

عمر عباس

رحلة ... عبيط

رواية رعب
سماز



تم التحميل من
موقع وجروب
عصير الكتب

www.FB.com/groups/Book.juice
www.book-juice.com





النشر و التوزيع

رحلة لـ 100 عبيط

رحلة لـ 100 عبيط
عمر عباس
تدقيق لغوي: كمال اليماني
تصميم الغلاف: علي الأردني
رقم الإيداع: 2014/26988
I.S.B.N: 978.977.85156.3.3

عصير الكتب للنشر والتوزيع



للنشر والتوزيع

المدير العام : محمد شوقي
مدير النشر : على همدى
لجنة فنية : د. إيمان الدواهلى
د. أحمد السعيد مراد / أ. كمال اليماني
مدير التوزيع : عمر عباس
التجهيز الفنى : آية سعد الدين
هاتف : 01150636428

E-mail : p.bookjuice@yahoo.com

الطبعة الأولى ، 2015
جميع الحقوق محفوظة ©
عصير الكتب للنشر والتوزيع

رِمَلَةٌ 100 عَبِيْط



عصير الكتب للنشر والتوزيع



النشر و التوزيع

إهداء

إلى كل من آمن بي في وقت ما، قائلًا: تستطيع، إلى كل من رأى في الموهبة للكتابة وشجعني لخروج هذا العمل إلى النور، إلى كل من اقتني هذا الكتاب أو يقرؤه إلكترونياً، بدونك بعد توفيق الله، ما كنت لأكون ..

عمر عباس



النشر و التوزيع

إهداء خاص

"إلى من وَهَبْتُني السعادة، فوَجَبَ مني الوفاء "

لا زلتُ على العهدِ

النشر والتوزيع



النشر و التوزيع

في يوم ما، بينما كانوا يجلسون سوياً يتسامرون، وضع
مفتاحاً صغيراً في يده، ثم قال له:
• حافظ على المفتاح ده كويس، هتتحاجه في يوم من الأيام



النشر و التوزيع

الفصل الأول : الرحلة

"رنّ جرسُ الهاتفِ على نغمة أغنية "مش هروح .. مش هروح"
استيقظَ "عماد" وهو يتمتم بكلماتٍ غير مفهومٍ من ضمنها
"لا مش هروح..."

اعتدل في سريره جالسا ، بحث عن هاتفه المحمول بين ثنايا الغطاء مالبث أن وجده، نظر إلى شاشته فآذت الإضاءة عينيه ، أغلق إداهما.. ضغط على زر الرد، ثم قال متثائبا وهو يريح رأسه مرة أخرى على الوسادة

! الوروو!

ليجيب الطرف الآخر باكيًا:

. أية يا "عماد"!

. مالك يا "فتحي" ، بتعيط ليه ؟

. مات يا "عماد" ، خلاص مات .

انهض جالسا في سريره قائلا:

. هو مين اللي مات ؟ أبوك .. أمك .. حد من إخواتك ؟

. فالله ولا فالك!

صرخ "عماد":

. أمال مين اللي مات انطق؟

. أبو جدي يا "عماد" هو اللي مات.

حاول "عماد" أن يتماسك قليلا ثم قال:

. وهو كان لسه عايش؟

. أية يا عم كان لسه عايش لحد امبارح، صحته كانت زي الفل وكان قاعد معايا بيحكي لي عن اللي حصل لما الإنجليز دخلوا مصر.

تساءل "عماد" مُندهشاً:

. الإنجليز دخلوا مصر! ليه يا "فتحي" هو عنده كام سنة؟

. 92 سنة.

ليضيف "عماد" وكأنه يتحدث إلى نفسه:

. 92 سنة وزعلان!

ما لبث أن استدرك نفسه قائلاً:

. إرحم، البقاء لله يا "فتحي"

تساءل "فتحي" مستنكراً:

. بتقول حاجة يا "عماد"؟

ارتبك "عماد" قليلا ثم قال:

. لا ولا حاجة! بقولك البقاء لله، انت فين دلوقت؟

ليجيب "فتحي" باكيأ وكأنه تذكر الوفاة من جديد ..

. أنا في البلد دلوقتي، ما انت عارف إني مسافر من أول
أمبارح!

صمت "عماد" قليلا ، لا يدرى ما يقول، فهو للمرة الأولى
يسمع صوت بكاء صاحبه، قام بعدها من على سريره متوجهًا
إلى مكتبه، محاولاً ألا يدوس على إحدى الأكواب المتناثرة
بجانب سريره .. قلب بين دفاتره سريعا حتى وصل إلى ورقة
بيضاء في أحد الدفاتر، أمسك أحد أقلامه ثم قال في حماس:

. طيب خلاص اهدى .. هات العنوان بتاعك .. علشان
أجيلك .

مسح "فتحي" دموعه قائلا :

. خلاص يا "عماد" مش مستاهله .

ليقاطعه "عماد" قائلا :

. انت أخويأ يا "فتحي"، مينفعش أسييك في حاجة زي دي

صمت "فتحي" قليلا ثم قال شاكرا :

. أصليل يا "عماد" ، انزل عندي البلد . اسأل على " 100 عبيط "

. مين دول ؟

أجاب "فتحي" بحده :

. اخلص يا "عماد" .. عزبة " 100 عبيط " .. جنب كفر " فقر " .

تساءل "عماد" وكأنه يتحدث إلى نفسه :

. إيه الأسماء دي ؟

دون العنوان على الورقة التي أمامه ثم عاد مرة أخرى إلى سريره محدثا "فتحي" بأسى قائلا:

. على العموم يا "فتحي" شد حيلك والبقاء لله، لو احتجت حاجة كلامني، وأنا هجهز حالا وجايلك على طول.

"فتحي" شاكرا :

. متبرممش منك، مع السلامة.

أنهى "عماد" المكالمة مع صديقه "فتحي" ، نظر إلى غرفته المهمله .. ثم وضع رأسه على الوسادة محدثا نفسه:

. خمس دقائق بس، وهقوم البس وأنزل .

وَغَطَّ بعدها في نوم عميق ، ليستيقظ بعد مرور أربع
ساعات !

. يا نهار أبيض ! .. العزا .. "فتحي" .. الجنaza .. أنا
أتأخرت !

"عماد" نور الدين، 22 سنة، كلية التجارة، السنة الأخيرة،
يعيشُ وحيداً ؛ نظراً لظروف سفر أبويه للعمل بالخارج، شابُ
على قدر كبير من الاحترام، خجول لدرجة احمرار وجهته عند
التحدث مع زميلاته الفتيات، أبيض البشرة، عيناه بنيتان ،
طويل بالنسبة لمن هم في نفس سنّه، لديه " تفاحة آدم " .
شابُ عادي، ولكن مشكلته الوحيدة بجانب شعوره بالخجل
في كثير من الأحيان، أنه يخاف، لذلك وجدَ من "فتحي" -
صديقِه العزيز - الأخ والonus في غياب أبويه .

"فتحي" محمد عبد التواب، تعرف على "عماد" في السنة
الأولى بالكلية، قامت صداقه كبيرة بينهما، انتقل بعدها للعيش
مع "عماد" ، وفتحي ضخم الجثة ، أقرب إلى البدانة ولكنه
مسالم، قمحِ اللون، حليق الذقن باستمرار ، تكاد تشعر أن
ذقنه لم تنبت مطلقاً .

ارتدى "عماد" ملابسه سريعاً، وتأكد من وجود كل شيء
يحتاجه داخل الحقيبة، شعوره المتكرر بأن هناك شيئاً ناقصاً
يزداد كلما أوشك على الرحيل .

. ليكن ما يكون .

قالها "عماد" ثم أغلق الحقيقة، وانطلق في رحلته سريعاً إلى
"100 عبيط"

في الطريق..

جلس "عماد" بجانب السائق، وهي عادة حاول الحفاظ
عليها كلما اضطر للسفر، يتبع "عماد" الطريق بلهفة، ويتنفس
الوصول سريعاً.

. بقولك إيه ياسطى، ما تشد حيلك شوية .

قالها "عماد" ليجييه السائق مقهها :

. أخاف ليتقطع، اهاهاهها .

. ياسطى بتكلم بجد، عندي عزاً ومتآخر عاييز الحق الناس .

نظر اليه السائق مُصطنعاً شعوره بالضيق من أسلوبه في
الكلام ثم قال :

. لا إله إلا الله! لمؤاخذة يا رايق، العربية لسة معمولها عمرة

.. وأخاف على المотор يحصله حاجة

تشمم "عماد" الهواء ثم قال بحماس :

. طب على فكرة أنا شامم ريحه شياط من الصبح
ومكونتش عاييز أتكلم .

سحب السائق نفساً عميقاً من السيجارة التي في يده وهو يغلق إحدى عينيه . نَفَثَ الدخان ، ونظر لـ "عماد" ثم قال بشقة:

. لا متخافش مفيش ريبة شياط ولا حاجة ، دي سجارة

البانجو!

"عماد" مُندهشاً:

. بانجو ! .. انت بتشرب بانجو كمان وانت سايق ؟

نظر السائق إلى "عماد" ، قائلاً بجزع :

. يا عم اهدى .. وطي صوتك لا الناس تخاف ولا حاجة .

تساءل "عماد" مُندهشاً :

. مش أحسن ما اخاف أنا لوحدي ؟

. يا عم متخافش العُمر واحد والرب واحد ، وبعدين كل الناس بتقولك البانجو ده بيخليلك غبي ، أنا بقى بشرب البانجو علشان أركز؛ أقولك على حاجة ؟

"عماد" بنفاذ صبر :

! افضل !

صَمَتَ السائق قليلاً ثم قال:

. نسيت بصرامة، بس متقلقش يعني إن شاء الله خير !

ثم أضاف :

. انت قلتلي اسمك ايه ؟

. "عماد" .. "عماد" نور الدين .

. ماشي يا عمدة محسوبك "مرعي حوادث"

. قلتلي بقى الفرح ده فين ؟

اتسعت عينا "عماد" من الدهشة ثم قال:

. فرح إيه ياسطى ! بقولك عزا !

. طب خلاص براحة عليا ، فين العزا ده ؟

. "عزبة 100 عبيط"

السائل مقهقها :

. اهاهاهاها ، عارفها عارفها ، حد يروح " 100 عبيط "

دلوقت ؟

تساءل "عماد" بقلق :

. أمال أروحها إمتى ؟

. دي تروحها الصبح. ساعتين كمان عقبال ما نوصل ومش هتلacci حد في الشارع، انت مسمعتش عن اللي بيحصل هناك ولا إيه ؟

"عماد" مستكرا :

. لا والله مسمعتش إيه اللي بيحصل ؟

أجاب السائق بعدما أخذ نفسا آخر من السيجارة التي بين
أصبعيه .

. بيقولك لقوا عيلين في ترعة ، واحد من غير دماغ في
حنة . والثاني من غير جسم في حنة تانية
"عماد" ساخرا:

. طب ما يمكن عيل واحد وانتوا اللي مش عارفين تجمعوه،
صح ؟

. شوفت بقى؟ انت اللي بتهزز دلوقتي أهو، بعددين دي
مش أول مرة ، الموضوع ده بيتركرر بقاله شهرين، كل شوية
يلاقوا حنة من عيل وميلاقوش الباقي ، ده غير اني سمعت إن
"النداهة" نزلت كفر " فقر " يعني كلها يومين وتلاقيها في
" 100 عبيط " ده إذا مكتتش وصلت هناك !

بورووووم .. (صوت انفجار) .

. إيه اللي بيحصل ده !

" أصوات تكبير من أحد الركاب اختلطت بكلام غير
مفهوم من الركاب الآخرين "

. عاجبك كده، قعدت تقولي شد حيلك شد حيلك، أدي
الكاوتش فرقلع ، اصبر بقى لحد ما أغيره .

قالها السائق.. ثم وجه حديثه للركاب الآخرين:

. متقلقوش يا جماعة محصلش حاجة ده الكاوتش فرقلع،

خمس دقائق هغيره ونكمel الطريق

"مش هروووح .. مش هروووح"

. الـوـوـو .. (قالها "عماد" ليجيب الطرف الآخر متسائلا)

. أـيـوـةـ ياـ بـنـيـ اـتـأـخـرـتـ ليـهـ كـدـهـ ؟

. مـعـلـشـ ياـ فـتـحـيـ هـاـنـتـ كـلـهـ سـاعـتـيـنـ إـنـ شـاءـ اللهـ وـأـكـونـ
عـنـدـكـ .

. اـنتـ بـتـهـزـرـ ياـ "ـعـمـادـ" ، أـنـاـ مـكـلـمـكـ مـنـ 4ـ العـصـرـ ، اـنتـ
كـدـهـ هـتـوـصـلـ بـعـدـ السـاعـةـ 12ـ !

نظر "عماد" في مرآة السيارة على يمينه ليشاهد السائق،
وهو يغير إطار السيارة، ثم قال:

. مـعـلـشـ ياـ "ـفـتـحـيـ" ، الـطـرـيقـ كـانـ صـعـبـ ، وـرـكـبـتـ معـ سـوـاقـ
مـسـطـوـلـ اـسـمـهـ حاجـةـ كـدـهـ حـوـادـثـ ، دـهـ غـيـرـ انـ الكـاوـتشـ فـرـقلـعـ ،
ورـبـنـاـ يـسـترـ .

. طب خد بالك من نفسك، ولما توصل كلمني .

. إن شاء الله .

. سلام أنا دلوقتي علشان أنزل اشوفهم محتاجين إيه .

أنهى "عماد" المكالمة مع "فتحي" ونزل من السيارة
ليساعد السائق في تغيير الإطار، اصطدم بنسمة هواء بارد ،
تحسس بأصابعه كرة صغيرة في نهاية مقبض السوسته، ثم أغلق
الجاكت الذي يرتديه قليلا.

أصوات مختلطة من نباح الكلاب، وعواء البعض الآخر،
امتزجت بصفير مجموعة من صراصير الحقول .

على ضوء القمر المكتمل وبعض أعمدة الإنارة، يظهر
الطريق الذي يقطع الأراضي الزراعية على امتداد البصر .

اقرب "عماد" من السائق قائلاً بحماس :

. بقولك إيه ياسطى؟ الحوار اللي كنت بتحكيلي عنه ده
 حقيقي ؟

أجاب السائق غير مهتم :

. أنهى حوار ؟

ليسارع "عماد" مرة أخرى بالسؤال وهو ينظر حوله، وكأنما
يبحث عن شيء ما :

• بتاع العيال اللي بيلاقوهم متقطعين ؟

نظر السائق إلى "عماد" ، ثم تساءل متعجبا :

• انت مبتقراش جرайд ولا إيه ؟

أجاب "عماد" بهدوء :

• لا والله مش متابع .

• على العموم الحكومة عاملة اللي عليها ومحظية على الخبر، كل اللي نشرته الحادثة اللي حكىتك عنها وكتبوا تحتها (جاري البحث عن الجاني) والناس كده كده مبتتكلمش عن الحوار .

"عماد" متسائلاً بلهفة :

• ليه يعني ؟

• خايفين، بيقولوا اللي بيعمل كده لا يمكن يبقى بشرا !

• هيكون مين يعني؟ "النداهة"؟ قالها "عماد" ضاحكا .

اتسعت عينا السائق ونظر ل"عماد" بحدة :

• أعوذ بالله من الشيطان الرجيم ، بص يابني الحاجات دي مبتتقالش هنا ، اختار المكان اللي تتكلم فيه عنها، الحاجات دي بتحضر على السيرة .

من بعيد.. شعر "عماد" أنه يرى فتاة تطل من خلف شجرة
تنظر إليه، لحظات ثم احتفت ، فأردف قائلا :

. بتقول إيه ياسطى ؟

. بقولك يالا علشان خلصت!

"بعد مرور ساعتين"

. حمدا لله على السلامة يا عمدة .. وصلنا "كفر فقر"

انزل هنا هتمشي شوية .. أول شارع يقابلك يمين تخلصه
لحد ما تلاقي أرض زراعية بعدين تدخل منها شمال وتمشي
لحد الآخر، أو استنى هنا خدلك مواصلة تدخلك لحد
"100 عبيط".

ترجّل "عماد" من السيارة وهو يحمل الحقيقة على كتفه،
بحث بعينيه عن أي شخص ليتأكد من وجهته فلم يجد، اتصل
بـ"فتحي" أكثر من مرة ولكنه لم يجب على اتصاله، أرسل
رسالة نصية مضمونها "أنا وصلت كفر فقر دلوقتي يا "فتحي"،
كلمتك أكثر من مرة، لما ت Shawf الرسالة كلامني".

لحظات انتظار مرت على "عماد" ما بين محاولات اتصال
بـ"فتحي" وما بين بحثه عن أي وسيلة مواصلات.

استسلم "عماد" في النهاية وانطلق سيراً على الأقدام ..

"بعد مرور ما يقرب من عشر دقائق سيراً على أقدامه، على طريق وعر بين بنايات منها ما بُني من الطين والصفيح، ومنها ما بُني بالطوب الأحمر، وجد "عماد" مجموعة مكونة من ثلاثة أشخاص يرتدي كل منهم جلباباً أبيض، يجلسون أمام كوخ من الخوص يصنعون دائرة حول شعلة من نار علّها تخفف عنهم برودة المساء وفي يد كل منهم كوب من الشاي"

. سلاموا عليكوا ..

قالها "عماد" ليجيب عليه أحد الأشخاص:

. عليكم السلام، افضل ..

. أنا كنت عايز أسأل على "عزبة 100 عبيط" ؟

ليسأله نفس الرجل مرة أخرى :

. عايز مين في "100 عبيط" ؟

أجاب "عماد" :

. رايح لواحد صحبي اسمه "فتحي"، "فتحي" محمد عبد التواب، تعرفه يا حاج ؟
قال الرجل ضاحكا :

. أعرفه ! ده حبيبي، لما توصل بالسلامة قوله الحاج
"فضيلة" "بيسلم عليك".

"عماد" میتسما:

• من عنيا يا حاج ، قولى بقى أروح إزاى ؟ أنا من ساعة ما
جيت هنا وأنا مش لاقفي حد أكلمه .

قال "فضيلة" ساخرا:

لَا مَا كُلَّ النَّاسِ فِي بَيْوَتِهَا دَلْوَقْتِي - بَعِيدٌ عَنْكَ - خَافِيْفِينَ
مِنْ "النَّدَاهَة"

• هو مش المفروض برضو ما حدلش يقول اسمها كده
علشان الحاجات دي بتحضر على السيرة ولا إيه ؟

قهقهة "فضيلة" قائلاً:

الكلام ده كان زمان ، دلوقتي مبقاش يفرق معانا .. ما
تقول حاجة يا حاج " ميلاد " ولا تقول يا أبونا؟

اعتل " ميلاد " في جلسته وبدأ في التعريف عن نفسه :

السن، قالها ضاحكا ليجيب "عماد": "كفر فقر" مش أكبر واحد في المكانة، أكبر واحد في "ميلاد غالى" تقدر تقول علياً أكبر واحد في كنيسة

• اتشرفت بحضرتك ، بس انت شكلك صغير يعني متكملاش 50 سنة .

أجاب میلاد:

. لا أكبر من كده شويتين ، ولا يا "حسن" اعمل
لعمك "عماد" كوبية شاي معانا.

نظر "عماد" إلى طفل صغير يرتدي بنطالا قصيراً، وقميصاً
رياضيًّا بدون أكمام، أزرق اللون ، يضع بعض الحطب على
النار ، ثم التفت مرة أخرى إلى "ميلاد" قائلاً :

. ربنا يكرمك يا عم ميلاد، قوللي بس أروح إزاي " 100
عييط" ؟

أكمل "ميلاد" كلامه متجاهلا سؤال "عماد":

. أصل الواد "حسن" على الرغم من إنه صغير زي ما انت
شيف إلا إنه عفريت، شاطر في كل حاجة .

. ربنا يخليهولك يا عم ميلاد .

قالها "عماد" ليجيب "ميلاد" ضاحكاً:

. بقولك حسن تقولي يخليهولك ، ده حسن بن الحاج "
سعيد" الصياد، على العموم قدامك حل من اتنين ؛ يا تستنى
هنا لحد الصبح، علشان مش هتلacci موصلة تدخلك لحد
العزبة ،

أو تدخل الأرض الزراعية دي اتمشى فيها لحد الآخر
هتلacci نفسك بقىت في " 100 عييط" .

وبحكم تأخر "عماد" على العزاء، وصعوبة قضاء الليلة مع
أشخاص لا يعرف عنهم غير أسمائهم ، قرر "عماد" أن يدخل

الأرض الزراعية بعدها حاول الاتصال مرة أخرى بـ "فتحي"
ولكنه لم يحصل على أي رد.

شكر "عماد" ("فضيلة" و "ميلاد") على حسن ضيافته،
ثم انطلق في وجهته إلى 100 عبيط ..

ومع أول خطوة يخطوها داخل الأرض الزراعية استمع
"عماد" لصوت الحاج "فضيلة" وهو يصيح: "خد بالك".
كانت تلك الجملة كفيلة ليعيد التفكير في قراره مرة
أخرى.

التَّقَتْ "عماد" ليجد "فضيلة" يتحدث مع "حسن" الطفل
الصغير:

. عاجبك كده! الشاي وقع على الجلابية، علشان قلتلك
بطل لعب وسمعتش كلامي .

ولكن .. على ضوء شاشة الهاتف المحمول، بدأ يخطو
"عماد" بضع خطوات داخل الأرض الزراعية، لتبدأ مجموعة
من الأسئلة تدور في ذهنه وكان أهمها:

كيف عرف "ميلاد" أسمه؟

" ولااا يا "حسن" اعمل لعمك ""عماد"" كوبية شاي
معانا .."

. ممکن أكون قلت اسمی وأنا مش واحد بالي !

قالها "عماد" محدثاً نفسه .

لماذا يرتدي الطفل ملابس خفيفة في هذا الوقت من العام؟
الثفت "عماد" ينظر مرة أخرى إلى الكوخ، ليجد الكوخ
حالياً، لا يوجد "ميلاد" ، لا يوجد "فضيلة" ، ولا حتى
الطفل!

" عاجبك كده ! الشاي وقع على الجلاية أهو، علشان
قلتليك بطل لعب ومسمعتش كلامي .. "

تساءل "عماد" محدثاً نفسه :

. للدرجادي لحقوا يمشوا، وطفوا النار كمان ؟

تلacci "فضيلة" راح يغير هدومه، و"ميلاد" هيوصل "
حسن" لأبوه.

على ضوء القمر، وقليل من الضوء الذي يصدر من شاشة
الهاتف المحمول، بدأ "عماد" رحلته داخل الأرض الزراعية
والتي امتدت على مسافة طويلة يكاد يشعر أنها لن تنتهي .

بعد مرور دقائق من الصمت إلا من بعض أصوات الصفير
غير المنتهي من سكان الأرض الزراعية من الصراصير، وكثير
من نَقِيقُ الضفادع واللذان اختلطا مع صوت وقع أقدامه على

الأرض، شعر "عماد" أن هناك صوتاً آخر منتظم - إذا أصغيت بحرص - يبدو وكأن هناك شخص آخر يسير وراءه .

نظر "عماد" خلفه ليبحث عن مصدر الصوت، ولكنه لم يجد أحداً.

وقف قليلاً فتوقف الصوت، دار حول نفسه باحثًا عن مصدر الصوت ولكنه لم يجد شيئاً، أكمل طريقه ليستمع إلى نفس الصوت مرة أخرى، فما كان منه إلا أنْ توقف ثانية وبحث حوله للمرة الثانية، ليتوقف الصوت من جديد، عاد مرة أخرى ليكمل طريقه، ليظهر نفس الصوت مرة أخرى، ازدادت مخاوفه وبدأت الأفكار تقفز في مخيلته، هناك شخص ما يتبعني منذ دخولي إلى هذا المكان، ماذا يريد مني؟ هل يريد قتلي؟

حاول "عماد" أن يسرع في خطواته، ليجد أن وتيرة الصوت تزداد، أبطأ الخطى ونظر خلفه، ليجد أن وتيرة الصوت أصحت أبطأ.

توقف .. نظر حوله .. نادی بصوت عال:

"فِي حَدِّ هُنَا؟"

"ليرد عليه صدى صوته بكل بروء: "هنا .. هنا .. هنا .."

حاول أن يبحث عن مصدرِ لصوت الخطوات المنتظمة،
ليجد أن الصوت اختفى مرة أخرى .

على الضوء الذي يصدر من شاشة التليفون المحمول،
انحنى "عماد" وحاول أن يبحث عن آثار أقدام بخلاف آثار
أقدامه، فلم يجد شيئاً.

قام مرة أخرى ليكمل رحلته داخل الأرض الزراعية، فما كان
من الصوت إلا أن عاد مرة أخرى، في هذه اللحظة شعر بنسمة
من الهواء البارد تسري على عنقه، ليقشعر بدنـه وتزيد من حالة
الخوف التي تجتاحه، التفت "عماد" ينظر وراءه وامتدت يده
إلى سوستة الجاكيت ليغلقه بأحكام، وكانت المفاجأة توقف
الصوت، لينتبه "عماد" إلى أن مصدر الصوت ناتج عن نقر
مقبض السّحّاب (السوستة) ذو الكرة المعدنية على اسنان
الجزء الشرطي منها .

شعر "عماد" بمدى تفاهته، ثم ابتسـم للمرة الأولى منذ
دخولـه إلى الأرض الزراعية

ـ السوستة التي قتلت الملـايينـ قالـها ضاحـكاـ

ما لـبتـ أن انتـفـضـ من مـكانـهـ حـينـ شـعـرـ بـوـجـودـ شـيءـ ماـ
يـتـحسـسـ قـدـمـيهـ تـرـاجـعـ إـلـىـ الـخـلـفـ خـطـوـتـيـنـ نـظـرـ إـلـىـ أـسـفـلـ ،ـ
لـيـفـاجـأـ "ـعمـادـ" بـقطـةـ سـودـاءـ صـغـيرـةـ يـبـدوـ عـلـيـهـ الـبرـدـ ،ـ كـانـتـ
تحـاـولـ الـحـصـولـ عـلـىـ بـعـضـ الدـفـءـ عـنـ طـرـيقـ الـاحـتكـاكـ

بإحدى قدميه، نظرت إليه القطة ثم أصدرت صوت مُواعٍ ضعيف .

ـ وانتي طلعتيلي منين دلوقي هي ناقصة قطط ؟

قالها "عماد" باستهانة ثم أضاف :

. أنا كان مالي ومال المشوار ده من الأول، ما كنت نايم في بيتنا ومبسوط وبعدين بيقولك أبو جده، يا ريته كان جده حتى،
إيه العمل دلوقت ؟

اقترب من القطة ثم انحنى ليعطف عليها، ما أن أمتدت يده إليها حتى أصدرت القطة صوتاً غريباً، وكأنّها تستعد للدخول في معركة مع قط آخر، انتفض شعر جسدها، زمجرت وانطلقت تجري بعيداً .

اعتدل "عماد" وهو يصبح ببعض الكلمات محدثاً القطة :

. تصدقني أنا غلطان، ابقي شوفي بقى مين هيدفيكي من البرد، وأقولك على حاجة؟ معايا أكل في الشنطة، كنت هديلك منه، خسارة فيكي .

أكمل "عماد" تلك الكلمات وهو ينظر على يمينه لينتفض مرة أخرى، ويتراءع خطوة للوراء، فتح "عماد" فاه من هول المفاجأة، واتسعت عيناه حينما فوجئ بأ بشعب مشهد ممكّن أن يراه في حياته.

رجل يرتدي جلباباً أبيض مُتسخاً، مقطوع الرأس، يقف على بعد خطوات منه داخل الحقل، وقفه على قدر كافٍ من الشبات.

مال الرجل إلى الأمام، ثم عاد للخلف وكأنه سكران، فانتفض "عماد" ثم رفع قبضتيه أمامه وكأنه يستعد لحماية نفسه

الضباب يملئ الحقل، يخلل بين ذراعي الرجل، فيبدوا وكأن الرجل هو الذي يحركه أو يتلاعب به، يزداد الموقف بشاعة حينما هبطت بومة من السماء، لتقف على كتف الرجل، فازدادت دقات قلب "عماد"، وشعر أن قلبه سيتوقف عن العمل، حاول أن يستجمع ما تبقى من أنفاسه، مردداً بعضًا من آيات القرآن الكريم، والكثير من الأدعية.

وعلى الضوء القادم من القمر، حاول "عماد" أن يدقق في تفاصيل المشهد ، ليكتشف أن الرجل مقطوع الرأس وهو إلا خشبة على شكل صليب، وضع عليها عباءة قديمة، تقوم بدور خيال المآته "الفزاعة" ، أخذ "عماد" نفساً عميقاً ، حمد الله كثيراً، وابتسم مرة أخرى، وهو يبحث عن مكان يجلس فيه قليلاً ليستريح من الصدمة وعيناه لا تفارقان "الفزاعة" .

مرت لحظات قليلة، وهو مازال في وقوته يبحث عن المكان الذي سيجلس فيه، حتى سمع ذلك الصوت، صوتا

قوياً صارخاً يشق سكون الليل، التفت "عماد" يبحث عن مصدر الصوت فإذا به يفاجأ بكتلة كبيرة من الضوء تتجه نحوه، الحركة سريعة والصوت واضح.

استعاد "عماد" بالله من الشيطان الرجيم، وانطلق يعدوا داخل الأرض الزراعية آملاً في الوصول إلى الجهة الأخرى.

استمر الصوت يلاحمه، ليدرك "عماد" أن هذا الشيء يحاول النيل منه،

"يارب ساعدنـي ، إيه الشـئ دـه ؟ هي العفاريت شـكلـها كـده ؟ إـيه الصـوت دـه ؟ "

كانت تلك الأسئلة تدور في ذهنه .

نظر خلفه نظرة خاطفة ليجد أن هذا الضوء يقترب منه بسرعة كبيرة . ظهر لـ"عماد" ما يبدو أنه نهاية الطريق، استجمم ما بقى من قواه وحاول ألا ينظر خلفه مرة ثانية، استمر يركض حتى انقطعت أنفاسه، جرى كما لم يجر من قبل، كلما اقترب من النهاية ازداد أمله في النجاة، ما هي إلا دقائق قليلة حتى وصل لنهاية الطريق، ليظهر أمامه "فتحي" صديقه، لم يصدق "عماد" نفسه، شعر بسعادة كبيرة اختلطت بأكبر كمية خوف حصل عليها في حياته .

· أجرري يا "فتحي" ، أجري بسرعة . (صاح بها "عماد" ليجيب "فتحي")

. في إيه يا "عماد" ؟

. أجري بس وهقولك بعدين .

أمسك "عماد" ذراع "فتحي" ثم نظر خلفه للمرة الثانية منذ طارده هذا الشيء، لتصطدم رجله بحجر، فيختل توازنه، ليسقط "عماد" على الأرض و"فتحي" بجانبه ويمر ذلك الشيء الذي كان يطارده.

. إيه ده ؟ موتوسيكل .

قالها "عماد" ليجيب عليه الشخص الذي كان يطارده :

. قوم يا بطل ، ميقع إلا الشاطر .

. انت اللي بتجري ورايا طول الطريق ؟

. أجري وراك مين يا عم ده طريقي، انت اللي من الصبح
شكلك مش مظبوط، انت تعرف الراجل ده يا "فتحي" ؟

أجاب "فتحي" بحماس :

. أيوة يا "كرشة" ده "عماد" صاحبي .

. طب خد بالك منه يا "فتحي" لحسن شكله مش مظبوط !

تساءل فتحي مندهشا :

. مش مظبوط إزاي يعني ؟

. أبدًا من شويتين نزلت اشتري شوية حاجات .

لقيته قاعد قدام الكوخ الخوص بناع عمك " ميلاد " الله
يرحمه، وعمال يكلم نفسه!

قاطعه "عماد" ببراءة :

. هو مين ده اللي الله يرحمه ؟

ليجيب "فتحي" باستهانة :

. متشغلش بالك، ده واحد اسمه ...

. "ميلاد غالى؟" صاح بها "عماد" ، ليكمel "فتحي"

مُندهشا :

. ايوة "ميلاد غالى" عرفت منين ؟!

ليستكمel "عماد" كلامه بانتصار :

. كنت قاعد معاه من شوية، حتى بالأamarة في واحد أسمه

الحاج "فضيلة" باعتליך السلام معايا

. انت بتهزز يا "عماد" ؟ قالها "فتحي" متعجبا.

. أهزر مين يابني، دول عزموني على شاي وعلشان متآخرش

عليك أكتر من كده مرضيتش أشربه، دول حتى كانوا عايزيني

أبات معاهم !

قاطعهم "كرشة" باستهانة ، مُشيرا نحو "عماد" ..

. مين ده يا "فتحي" ، وبيقول ايه، ده شاكله شارب حاجة !

وأشار "فتحي" إلى كرشة ليصمت، ثم أكمل كلامه:

· استنى بس، يعني انت عايز تفهمني يا "عماد"، إنك كنت
قاعد بتشرب شاي مع عم "ميلاد" الله يرحمه وأبو جدي ؟

أجاب "عماد" بثبات :

· أنا مالي بأبو جدك ياعم، بقولك عم "ميلاد" وال الحاج
فضيلة".

ليصيح "فتحي" بحزم :

· ما هو أبو جدي اللي العزا بتاعه شغال دلوقتي، هو ده
ال الحاج "فضيلة" !

نظر "عماد" إلى ("فتحي" و "كرشة")، ثم وجه كلامه إلى
"فتحي" منزعجا :

· إيه الجنان ده ؟ وبعدين انت عرفت إزاي إن أنا هنا ؟

أجاب "فتحي"، وهو ينفض بعض التراب من على بنطاله:

· أنا معرفش إنك هنا، كل الحكاية إني شوفت الرسالة اللي
انت بعتها لي.

" أنا وصلت كفر فقر دلوقتي يا "فتحي"، كلمتك أكثر من
مرة، لما ت Shawf الرسالة كلمني .

حاولت أكلمك تليفونك كان مغلق، نزلت علشان أجيبك
من كفر " فقر " زي ما انت بعتلي في الرسالة، لقيتك في
وشي.

سكت "عماد" قليلاً محاولاً استيعاب كلام "فتحي" ثم قال
بهدوء :

- بقولك إيه يا "فتحي" ، يالا بینا من هنا علشان أنا أعصابي
تعبت قوي النهاردة ومبقتش فاهم حاجة !
- طب يالا بینا يا عمدة، نفض هدومك وحمد الله على
السلامة.

صحيح انت كنت بتجري كده ليه ؟
 وأشار "عماد" نحو "كرشة" قائلاً بحزن :
ـ كنت فاکره عفريت !

ضحك "فتحي" بصوت عال ثم قال ..
ـ طيب المرة الجاية لما يجري وراك عفريت، إيقى إرمي
الشنطة علشان تبقى خفيف، وتعرف تجري أسرع !
ـ نظر "عماد" إلى الحقيقة، ليجد أنها ما زالت في يده .
ـ لا حول ولا قوة إلا بالله، الناس اتجنت .
ـ قالها "كرشة" ساخرا، أدار دراجته النارية وانطلق بعيداً .

نظر "عماد" خلفه ليودع الأرض الزراعية بنظرة الأخيرة،
ليُفاجأ "عماد" بـ "حسن" الطفل الصغير، يلعب على ضفاف
الترعة، ابتسם الطفل الصغير لـ "عماد" ولوح له ثم اختفى وراء
"شجرة"



الفصل الثاني : العزاء

وصل "عماد" منزل عائلة "فتحي" وهو في حالة يرثى لها، لفت انتباهه صوان العزاء، بعض الأعمال مازلت جارية من ترتيب للكراسي ومناضد صغيرة، نتيجة استقبال التعازي لليوم الأول، أشار "فتحي" لبعض الأشخاص لم يتتبه "عماد" لهم مردداً عبارات مثل:

"ربنا يقويكوا يا رجالة، شدوا حيلكوا شوية"

ليتلقى ردوداً من نوع ..

"هانت يا استاذ "فتحي" ، "البقاء لله" ، "ربنا يجعلها آخر الأحزان".

أما بخصوص المنزل فكان من طابقين، له باب رئيسي مزخرف في المنتصف، وشرفة في الدور الأول على اليمين لها سلالم أخرى خاصة بها، يوجد بها باب صغير للدخول إلى المنزل، ومنضدة حولها مجموعه من الكراسي الخشبية، سور عال على سطح المنزل، زحفت عليه مجموعة من نباتات الزينة المتسلقة التي سبق زراعتها في الجهة الأخرى من السور،

يوجد أيضاً كشاف ضخم ينير الساحة الخالية أمام المنزل بخلاف مجموعة من النوافذ العتيقة .

نظر "عماد" ليديه وملابسها ليجد أنها مازالت متسخة ، فنظر لـ "فتحي" قائلاً :

. بقولك إيه ياض يا "فتحي" ، بفكراً أرجع بيتنا أغير هدومني وأستحمي وأجيلكوا تاني .

رد "فتحي" مُتهكمًا :

. فكرة برضو ، بس متتأخرش ، علشان أحنا بنام بدري

والساعة عدت 12

. طيب مش عايز حاجة أجبهالك وأنا جاي ؟ متخافش مش هتأخر 8 ساعات رايح جاي وأكون عندك .

أجاب "فتحي" محدراً :

. طب اتضبط بقى علشان أعرفك على أبويا، حاول تحسسه إنك جاي عزا، مش جاي تهزر .

"عماد" مبتسمًا :

. عيب عليك يا برس، وجّهني انت بس على الحاج وسبني أتعامل .

- دخل "عماد" المنزل متأخرًا بضع خطوات عن "فتحي" -
كعادة أخرى حاول أن يحافظ عليها عندما يكون في منزل

غير منزله - ناظرا في اتجاه الأرض، يسمع صوت القرآن الكريم يتعدد من مكان ما في المنزل، يشتم رائحة البخور، ومن مكان بعيد تأتي أصوات بكاء لبعض النساء .

صاحب "فتحي" مناديا على والده ليستقبل "عماد"، ازاح والد "فتحي" ستار معلق على أحد الأبواب ، وظهر من خلفه ليرحب به قائلا :

. إزيك يا "عماد"، عامل إيه يا حبيبي؟

. الحمد لله إزيك يا حاج، البقاء لله ..

نظر والد "فتحي" إلى ملابس "عماد" بأسى قائلاً:

. إيه اللي عمل فيك كده يابني ؟

ليجيب "عماد" ببراءة :

. ده حوار طويلا كده، وقعت في الأرض الزراعية اللي ورا
البيت وأنا جاي ؟

. ألف سلامة عليك ، أنا طبعا عارف أخبارك من "فتحي"

أول بأول وكان نفسي أقابلك من زمان

وأشكرك على وقوفك مع "فتحي" واستضافتك ليه عندك
في البيت .

"عماد" محرجا :

• ربنا يخليلك يا حاج، "فتحي" أكثر من أخوياء، لو جينا للحق أنا اللي عايز أشكره على وجوده معايا طول الفترة اللي فاتت .

• على العموم يابني، حمد الله على السلامة، اعتبر نفسك في بيتك .. غير هدومك وأنا هخليلهم يحضرولك عشا، أكيد جاي من السفر جعان وتعبان .

أنهى والد "فتحي" الحاج "محمد عبد التواب" حديثه مع "عماد" وطلب من "فتحي" أن يذهب معه إلى الغرفة التي سيقيم فيها الأيام القليلة القادمة ، في نفس الوقت نادى على والدة "فتحي" لتسليم على "عماد" ، وحتى لا أطيل عليك ، بعد الكثير من السلام والتحيات وقليل من البكاء صعد "عماد" إلى الغرفة التي سيقيم بها .

• اتفضل يا عمدة (قالها "فتحي" مبتسمًا)، بيتك ومطرحك، أوضة خمس نجوم أهي، وعندك الحمام بتاعها، عيش حياتك، غير هدومك وخدلك دش عقبال ما أجبلك العشا .

نظر "عماد" للغرفة يستكشفها، غرفة قديمة بعض الشيء، بها سرير واحد كبير في المنتصف، "تسريحة" بها مرآة كبيرة في مواجهة باب الغرفة، دولاب قديم، باب أبيض لحمام على يسار الداخل إلى الغرفة .

و قبل أنْ يخرج "فتحي" من الغرفة استوقفه "عماد"
متسائلاً:

. بقولك إيه يا "فتحي" انت هتتم فين ؟

ليجيب "فتحي" بشقة:

. هنام هنا معاك .

نظر "عماد" إلى الغرفة مرة أخرى ثم قال:

. فين يعني ده هو سرير واحد ؟

ليجيب "فتحي" بإصرار:

. هنام على السرير ، ولو عندك مانع ممكن تنام على الأرض .

. أصيل يا ض يا "فتحي" ، انت عارف أنا أصلاً بحب الونس
في النوم ، على العموم فُكك بقى من حوار العشا ده علشان أنا
محتاج أنا نام .

. طيب بُص أنا عارف إنك بجح لو حسيت إنك جعان
قولي ، ونام انت ، أنا هنزل أشوفهم محتاجين حاجة ولا لاء ،
وهطلع أنا نام جنبك .

قالها "فتحي" وانصرف .

بعد مرور بضع دقائق كان "عماد" مستعداً للنوم، وضع "عماد" رأسه على الوسادة، تذكر أحداث اليوم وابتسم :

- اللي عايزة اعرفه .. مين الناس اللي اشتغلتني أول ما وصلت البلد، شكلهم كانوا شاربين حشيش ولا إيه مش عارف على العموم مسيري هقابلهم تاني .

قالها "عماد" منتصراً وأغلق عينيه، لحظات وغطّ في نوم عميق .

أحداث الليلة لما يكن بها شيء باستثناء بعض الأحلام الغير مفهومة عن الحاج "فضيلة" أو من أدعى ذلك، وميلاد وحسن الطفل الصغير .

استيقظ "عماد" مُنتصف الليل عندما شعر بوجود يد تهزّه من كتفه أكثر من مرة، نظر خلفه، فلم يجد شيئاً باستثناء "فتحي" يغطّ في نوم عميق، ينام متخلداً وضع الجنين وظهره في اتجاه "عماد"

- وكمان بترفض وانت نايم، قارفني وانت صاحي، وقارفني وانت نايم ربنا ينتقم منك يا شيخ !

قالها "عماد" بضيق، واتخذ وضع النوم من جديد، لينام بعدها ويستيقظ في الصباح على كثير من الأصوات التي احتلّت بعضها بالبكاء، نظر جانبه ليجد أنّ "فتحي" قد رحل .

توضأ "عماد" وصلى الصبح بعدها اتصل بـ"فتحي" ليبلغه
أنّه استيقظ، لحظات ودخل عليه الغرفة ..

ـ صباح الخير يا عمدة، نمت كوييس ؟

قالها "فتحي" مبتسمًا، ليجيب "عماد" باستهانة:

ـ هنام ازاي وانت عمال ترفض طول الليل ؟

"فتحي" مُندهشًا :

ـ أرفض ؟ أنا منمتش جنبك أصلًا !

"عماد" مُتفاجئ :

ـ نعم ! انت هتهزر ؟ أمال مين اللي كان نايم جنبي ؟

ليجيب "فتحي" وهو لا يزال مندهشًا:

ـ يا عم محدش نام جنبك ولا دخل الأوضة دي أصلًا !

ليسارع "عماد" بالسؤال ..

ـ إزاي يعني، انت مش قلتلي إنك هتنام جنبي ؟

فيجيب "فتحي" ببراءة:

ـ أنا جيت لقيتك نايم صعبت عليا ومرضتش أقلقك، قفلت
عليك الأوضة بالمفتاح علشان محدش يضايقك، وعلشان
بصراحة أخاف تسرق البيت وأحنا نايمين .

ضحك قليلا، ثم أكمل:

• لما رنيت عليا عرفت إنك صحيت، وجيست فتحتلك أهو

قال "عماد" مندهشاً:

• إيه الكلام اللي انت بتقوله ده؟ مش طالبه معايا هزار يا
"فتحي" والله.

أجاب "فتحي" بحدّه دليلا على الجدية:

• ولا أنا والله يا "عماد"، على العموم قوم جهز نفسك
علشان تنزل تسلم على قرائيبي، الدنيا بايظة تحت والناس كلها
ملبوخين.

ثم أكمل "فتحي":

• أه كمان عايزة تيجي معايا نروح نشتري شوية حاجات
علشان في ناس كتير قوي جايا النهاردة، محدثش لحق يجي
امبارح، وولاد أعمامي مشغولين بحاجات تانية، العزا عندنا 3
أيام.

أوّما "عماد" برأسه دليلا على الموافقة، ثم حاول أن يتذكر
مرة أخرى ما حدث خلال المساء، محدثا نفسه:

– مش معقوله يكون حلم، أنا متأكد إن في حد كان نايم

جنبى.

في الساحة الخالية أمام المنزل ، الشمس ساطعة بين الغيوم، الهواء باردا قليلا في هذا الوقت من العام ، خرج "عماد" يبحث عن "فتحي" ، ليخطف نظره سرب حمام يطير في الأفق مجتمعا حول "برج حمام" عالي ، في متصف مجموعة من الأشجار والنخيل .

• تعالى يا عمدة سلم على قرائي .

قالها "فتحي" وهو يشير على أحد الأشخاص :

• الحاج حسين ، عمي .

لি�سارع "عماد" قائلا بأسى:

• البقاء لله .

وأشار "فتحي" على شخص آخر قائلا بشقة:

• الحاج حسان ، عمي .

• البقاء لله .

• الحاج محسن ، أصغر واحد في أعمامي .

• البقاء لله .

جذب "عماد" "فتحي" من كتفه ، وهمس له في أذنه :

• بقولك إيه يا "فتحي" هما كلهم حسين وحسان ومحسن

إسمعني ابوك اللي اسمه محمد ؟

. معرفش والله يا "عماد" إبقى اسأل عمي حسن لما تشووفه.

ثم أشار نحو شخص ما يقف بعيدا .

. هتلاقيه واقف مع الناس هناك أهو .

انقضى اليوم سريعاً ما بين قضاء بعض الحوائج والتعرف على بعض أقارب "فتحي" .

وفي مساء اليوم الثالث للعزاء، ذهب "عماد" ليصلّي العشاء في المسجد وترك "فتحي" في المنزل يساعد والده في بعض الأمور .

بعدما أنهى "عماد" صلاة العشاء، تجول في العزبة قليلاً ليستنشق بعض الهواء النقي وليتعرف عليها.

في الطريق لمنزل "فتحي" رأى "عماد" "حسن" الطفل الصغير، يلهو على بعد خطوات من المنزل، شعر "عماد" بالفضول للتحدث معه ، وعندما بدأ في الاقتراب منه بدأ "حسن" في التحرك والابتعاد.

صاحب "عماد" مناديا عليه، ولكنه لم ينظر إليه بل التف حول المنزل ، تبعه "عماد" ، حاول أن يزيد من سرعته، نادى على الطفل الصغير أكثر من مرة، ولكنه لم يعره أي انتباه، بعد عدة محاولات، نظر الطفل إليه ثم أكمل طريقه مرة أخرى .

شعر "عماد" من نظرات الطفل أن به خطبا ما، حاول اللحاق به، حتى وصل لشجرة بجانب الترعة، تلك التي اخترفي عندها في المرة الأخيرة .

جلس الطفل على حافة الترعة فاقترب منه، ليجد أنه مشغولاً بأمر ما، جلس بجانبه، ثم بدأ في التحدث إليه:

. إزيك يا "حسن"، أنا "عماد" فاكروني .

التفت "حسن" ينظر إلى "عماد" قائلاً بضيق:

. بقولك إيه يا عم فُكك مني دلوقتي !

"عماد" مندهشاً :

. إيه ده ينفع راجل مُحترم زيـك يقول لحد أكبر منه " فُكك مني " و " يا عم " ؟

أدأر حسن وجهه ونظر إلى الترعة مرة أخرى :

. طب قولي مالك؟ زعلان ليه؟ يمكن أعرف أساعدك !

قالها "عماد" ليجيب حسن بحزن:

. زعلان علشان رضا مش عايزة يلعب معايا .

ليتساءل "عماد" بلهفة :

. فيـن رضا ده ؟

أجاب حسن بحزن:

. هناك أهوا، بيدور على الكورة .

نظر "عماد" في الاتجاه الذي أشار إليه "حسن"، ليجد طفلا آخر صغيرا مُنحنيا وظهره لاتجاه "عماد"، على مسافة ليست بالبعيدة ولكن لم يتمكن "عماد" من تحديد ملامحه في الظلام، فقط طفل صغير منحني يبحث عن شيء ما .

تساءل "عماد" بحماس:

. طب طالما الكورة ضاييعه هيلعب معاك إزاي ؟

ليجيب حسن سريعا:

. لا منا عارف مكانها، بس هو كل يوم يقولي دماغي وجعاني ومش عايز ألعب معاك .

رد "عماد" مبتسمًا:

. طيب هات يا حسن الكورة وأنا هلعب معاك .

ابتسم حسن ، وذهب ليحضر الكرة من خلف شجرة الصفصاف التي تطل على الترعة والتي تشعر لوهلة إنها (الشجرة) سوف تسقط في الماء من شدة التوائتها على الترعة .

وقف "عماد" استعداداً للعب الكرة مع حسن وعلى ضوء القمر عاد حسن يحمل الكرة في يده، وضعها على الأرض، واستعد ليركلها .

استغل "عماد" الفرصة ليسأل حسن عن الأشخاص، الذين قابلهم عند مدخل الأرض الزراعية، في اليوم الأول لوصوله :

. بقولك إيه يا حسن، مين الناس اللي انت كنت قاعد معاهم أول يوم شوفتك فيه ؟

تساءل "حسن" ببساطة:

. قصدك عم ميلاد، والحج "فضيلة" ؟

"عماد" مندهشاً:

. آه، مين دول ؟

أجاب "حسن" مُبتسماً ..

. هعرفك حالاً .

رجع حسن خطوتين للخلف وانطلق يجري في اتجاه الكرة ليركلها ، في اللحظة التي ركل "حسن" الكرة لتصل إلى "عماد" ، سمع "عماد" صرخة من مكان ما، تبعها خروج طفل من بين الحقول يجري في اتجاه حسن، نفس جسد رضا بنفس الملابس ولكن من غير رأس!

انتبه "عماد" لمصدر الصرخة الثانية ليجد أن مصدرها تحت قدميه ليفاجأ أن الكرة ما هي إلا رأس "رضا" ، رأس طفل صغير لم يتجاوز الخمس سنوات يغلق عيناً ويفتح

الأخرى لظهور كدمة بجانب العين المغلقة نتيجة ركلة حسن للرأس . تكلم الرأس وهو يبكي موجهاً كلامه لـ "عماد":
ـ ينفع كده يا عم؟ حسن كل يوم يلعب كورة بدماغي؟

رد "عماد" مندھشا:

لایا قوی بصراحته، ایه الجنان ده؟

ليتكلم الرأس مرة أخرى :

• هو ايه اللي كتير، ما انت كنت ناوي تلعب معاه، انت
ترضي حد يلعب بدماغك؟

في تلك اللحظة بالتحديد، لوح حسن لـ"عماد" من بعيد
قائلاً:

های کده عرفت

ثم قفز في الترعة، في حين بدأ جسد رضا يجري باتجاهه "عماد"، يبدو وكأن الجسد قادم لالتقاط الرأس ، كانت تلك الإشارة كافية ليتفت "عماد" ويبدأ في الصراخ وهو يجري في اتجاه منزل "فتحي" .

حينما وصل "عماد" للمنزل نظر حوله والتقطت أنفاسه،
نادي على "فتحي" بصوت عالٍ، ليجيب عليه "فتحي" بشقة:

. ادخل يا "عماد" مفيش حد في السكة .

دخل "عماد" المنزل وهو مازال يتنهّد، لفت نظره صورة كبيرة عُلقت على الحائط، وضع عليها شريط أسود !

صورة لرجل كبير في السن، يبدوا أنه قد تجاوز الستين من العمر، قمحي اللون كحال معظم أهالي القرية، أبيض اللحية والشارب، يرتدي طاقية بيضاء، من فوقها يضع شالا أبيض ينساب على جانبي رأسه .

حينما دقق النظر، اكتشف "عماد" أن صاحب الصورة هو الحاج "فضيلة" أو بمعنى أصح صورة لنفس الرجل الذي قابله في بداية الرحلة عندما وصل للقرية .

قطع "فتحي" تأملات "عماد" للصورة قائلاً:

. على فكرة يا "عماد" أنا تأكّدت إنك شوفت الحاج "فضيلة" بجد .

الفصل الثالث : البداية

اتسعت عينا "عماد" من هول المفاجأة .. التفت إلى "فتحي"، ليجده ينظر إليه هو الآخر نظرة على قدر كاف من الشبات والجدية .

صرخ "عماد" قائلا:

ـ انت بتقول إيه، وعرفت منين الكلام ده ؟

أجاب "فتحي" بهدوء:

ـ أنا كمان شوفت "فضيلة" "النهاerde" .

صمت قليلا ثم أضاف:

ـ كان واقف بيستفرج على الناس اللي حضروا العزا، ولما حاولت أقرب منه علشان أكلمه، بصلّى وهز دماغه كأنه بيعرفني إنه شافي، لما قربت منه اختفى في الزحمة .

ولما حاولت ادّور عليه بين الناس وفقدت الأمل إني ألاقيه، لدرجة إني شكّيت إنه بيتهيألي إني شوفته، لقيت حد حط إيده على كتفي، بصيت على الأيد لقيت فيها نفس الخاتم بتاع فضيله، وصوت فضيله في وداني بيهمس :

"أنا قابلت "عماد" صاحبك إمبارح، خد بالك منه، الحمل
اللي جاي كبير عليه"
لفيت ملقيتش حد .

. لا تعالى بقى اقعد هنا واحكيلي واحدة واحدة من الأول،

إيه اللي حصل ؟

أجاب "فتحي" بهدوء:

- بُص يا "سيدي"، اليوم اللي مات فيه "فضيلة" أنا كنت
نایم معاه في الأوضة، كنت سايب سرير صغير في الأوضة
بتاعتته، لما بنزل البلد كنت بحب أقعد معاه وأنام معاه في نفس
الأوضة على أساس يعني أفضل جنبه أكبر وقت ممكن، كنت
بحبه جداً، مش كل الناس عندها والد جد، أنا بقى كان عندي،
هو كمان كان بيحبني، في مثل بيقول "أعز الولد ولد الولد"

ما بالك بقى إني ابن حفيده؟

نظر "فتحي" إلى صورة "فضيلة" بحنان ثم أكمل:

. في اليوم ده "فضيلة" قام من نومه تقريباً على الساعة
واحدة بليل، اللي عرفته لما صحيت إنه قام اغسل، ده غير
إني لمحته بيصللي ركتعين ، قبل ما يرجع يكمل نومه بص عليا
بصه كأنه كان عارف إني صاحي وكان عايز يودعني بس
متكلمش .

في حدود الساعة 4 الفجر صحيت من النوم بعد ما حلمت حلم غريب.

قاطعه "عماد" قائلاً بفضول:

. حلمت بإيه ؟

. حلمت بيك ماشي في أرض زراعية بتدور على حاجة و"فضيلة" بيوصيني عليك، أول مرة أصحى من النوم بعد حلم وأحس إن جسمي بيرتعش، حسيت إن الأوضة باردة وعلى ضوء لمبة سهاري من برة الأوضة كان متعود "فضيلة" يسيبها شغالة طول الليل علشان لما يصحى يصلى الفجر، حسيت إنني شوفت خيال أسود اتحرك في الأوضة ولما لفيت علشان ابص عليه ملقتش حاجة .

صحيت الصبح من النوم مخضوض على صوت عياط ، واحد من أعمامي بيقول للحرريم بس علشان الواد ميتفرعش لما يصحى من النوم .

قمت من النوم بعد ما سمعت الجملة دي علشان اشوف آخر مشهد ممكן الواحد يتوقع إنه يصحى يلاقيه ، تقريبا عيلتي كلها في الأوضة، أعمامي وعماتي لابسين أسود، عماتي كاتمين صوتهم وهما بيعيطوا، أول ما شافوني صحيت تقريبا دي كانت الإشارة علشان صوت العياط يرتفع .

أول ما أبوايا لمحني صحيت جرى عليا، خدني في حضنه وحاول يغطي وشي، وببدأ يخرجني من الأوضة ويقولي متخافش ، بدأت أعيط وأقول لاء بشكل هستيري .

مُخي كان شغال بسرعة وجمعت اللي حصل، عرفت إن "فضيلة" مات، ومن هول الموقف أعصابي مستحملتش وقعدت أعيط .

قالها "فتحي" وانفجر في البكاء .

انقض عليه "عماد" ليحتضنه ثم قال:

طب خلاص اهدى، البقاء لله، كلنا هنمومت.

تركه بعدها ليكمل "فتحي" كلامه وهو يمسح دموعه قائلاً:

بعد ما هديت مجاليش جرأة أدخل تاني أبص عليه، خفت شكله بعد ما مات يفضل محفور في دماغي، اكتفيت بالذكريات الحلوة اللي كانت بيني وبينه ، بعدها افتكرت الحلم، كلمتك بس ردوتك الغريبة وبحكم اني بحبك خلتني اهدى شوية .

قاطعه "عماد" متتسألاً بشغف:

بس برضو يا "فتحي" في حاجة مش مفهومة في الموضوع، ليه "فضيلة" يطلعلي ويطلعلك؟ ويجيلي في حلم ويجيلك في حلم، ليه كل ده ؟

. هو جالك في حلم ؟

قالها "فتحي" مُندهشًا، ليجيب "عماد" مؤكدا :

. اه، أول يوم جيت فيه البلد .

. بص يا "عماد" أنا مش عارف بالضبط إيه الحكاية، بس
في حاجة تانية أنا عارفها وعارف انك متعرفهاش .

. حاجة ايه ؟

قالها "عماد" متسائلاً، ليجيب "فتحي" بشقة :

. الحاج "فضيلة" مكنش شخص عادي .

. إزاي يعني ؟

. مش عارف ابدأ منين ، الحاج "فضيلة" كان أشهر واحد
في البلد والبلاد اللي حوالينا بيتعامل مع الجن وبيعالج
بالقرآن .

اعتدل "عماد" في جلسته واتسعت عيناه من المفاجأة
وشدة التركيز .

أكمل "فتحي" كلامة قائلًا:

. ده غير إن حياته كان فيها البدع، علشان كده ممكن
تلاقيه قاعد معايا يبحكيلى عن الإنجليز لما دخلوا مصر، أو
عن ممالك الفراعنة، ممكن توصل حتى إنه يبحكيلى عن حياة
الأنبياء، وطبعا كل ده مكنش عارفه من نفسه، ده كان
بمساعدة الجن بتوعه .

في تلك اللحظة شعر "عماد" أن الموضوع أكبر من "رحلة لـ 100 عبيط" أو حضور عزاء، هناك أمر ما أتي من أجله.

أكمل "فتحي" بتركيز:

. الموضوع بتاع الشيخ "فضيلة" ده ابتدى من زمان جدا من أكثر من 80 سنة تقريبا، ركز معايا ..

بدأت حياة "فضيلة" واكتشف أهله مدى عقريته وتميزه، فقد حفظ القرآن الكريم كاملا، وعمره لم يتجاوز الـ 9 سنوات، فكان فخرا لأهله، بل لكل أهل البلد.

وفي أحد الأيام، بينما كان "فضيلة" عائدا من الكتاب بعدما أنهى درس القرآن الكريم، شاهد بعض الأطفال يجرون عائدين من الأرض الزراعية التي شاهدها "عماد" في بداية رحلته، لم تكن تلك البيوت المحيطة بها قد بنيت بعد، ولم يكن هناك وجود لما يسمى "100 عبيط".

كل طفل يحمل بين يديه عوداً من القصب، يبدوا أنه قد سرقه من تلك الأرض، يجرون باتجاه "فضيلة" صائحين:

. "علي المارد" جه، "علي المارد" جه .

سؤال "فضيلة" أحد الصغار عن ما يحدث، أجابه قائلا وهو يشير نحو الأرض الزراعية:

. "علي المارد" في الأرض الزراعية .

كان "علي المارد" وقتها جنًا مشهوراً في القرية، يخاف منه الجميع، وحتى تدرك سر ذلك الخوف، كان "علي المارد" يتشكل على هيئة إنسان، تجده واقفا في الأراضي الزراعية، وعندما تقترب منه، يتمدد ليصبح عملاً، كان طبيعياً أن يلوذ بالفرار من يقابلها .

ولكن "فضيلة" الطفل، كان لديه الكثير من الفضول لملاقاة "علي المارد" ، ولم يخف من فكرة مقابلته، لذلك بحث عن الاتجاه الذي يجري منه الأطفال، وذهب في عكس الاتجاه، ليصل للمكان الذي من المفترض أن يجد به "علي المارد" .

وصل "فضيلة" ليجد المكان خاليا، لا يوجد به أحد، بحث عن "علي المارد" في أكثر من مكان ولم يجده، وحينما فقد الأمل في لقائه، التفت ليعود إلى منزله .

في اللحظة التي التفت فيها، رأى "فضيلة" وجه شخص كاد أن يلامس وجهه، ينظر إليه عن كثب قائلا بحماس:

. أنا حاسس إنك بتدور عليا.

رجع "فضيلة" إلى الخلف خطوتين، ليقع على الأرض، ويتمدد بعدها الرجل، ليصل طوله، إلى طول بنية مكونة من خمسة طوابق أو أكثر .

وعلى عكس توقع "علي المارد"، "فضيلة" لم يخف، لم يصرخ ولم يجر، بل جلس في مكانه يضحك !
لينكمش "علي المارد" مرة ثانية، ويعود إلى حجمه الطبيعي، ثم يسأل "فضيلة":

. انت بتضحك ليه ؟

ليجيب عليه "فضيلة" وهو يحاول أن يكتم ضحكاته:

. لا عادي أصل شكلك بيضحك .

تفاجأ "علي المارد" من رد "فضيلة"، وعاود السؤال:

. بيضحك ازاي يعني ؟

وأشار "فضيلة" إلى "علي المارد" مبتسما:

. لما بتكبر بطنك بتتنفس وبتبقى عامل زي الست الحامل،
ده غير إن راسك بتبقى قد البرتقالة .

رد "علي المارد" بشقة:

. على فكرة ممكن أخلي دماغي كبيرة كمان . أوريك ؟

. وريني كده !

تمدد "علي المارد" مرة ثانية وزاد من حجم رأسه، ليعاود "فضيلة" الضحك، فيسأله "علي المارد" وهو متضايق:

. بتضحك تاني ليه ؟

فضیلہ مبتسما:

شـبـه عـوـدـيـن قـصـبـ . شـفـطـت بـطـنـك رـجـلـيـك بـقـوا .

انكمش "على المارد" مرة ثانية وسأل "فضيلة":

طب وبعدين؟ ايه العمل دلوقت؟

.. مش عارف بس انت شکلک بیض حکنی ..

جلس "علي المارد" بجانب "فضيلة"، واضعا يده اليمنى على خده، ليقول "فضيلة" وهو يحاول أن يكتم ضحكاته:

• خلاص يا "علي" متزعلش نفسك ، اعملها تاني وأنا هتخض .

نظر إلية "على المارد" حزينا ثم قال:

اسمي "فضيلة".

أنا "علي المارد" أو زي ما البشر بيسمونني .

وابتدت صداقة بينهما، وأصبح "علي المارد" ملازمًا لـ"فضيلة" باستمرار، وبدأت رحلة "فضيلة" في عالم الجن.

بدأ "علي المارد" يعلم "فضيلة" الكثير من أسرار عالم الجن، حتى وصل الحال بـ"فضيلة" إلى أن أصبح من القلائل الذين رأوا "النداهة" على صورتها الحسنة، كثير من رأوها وصفوها بأن شكلها بشع، يتمايل شعرها فوق رأسها وكأنها أفاعي حية، أظافرها طويلة ملتوية، ولكن "علي المارد" ساعدته على أن يراها في أحسن صورها ، رآها أكثر من مرة في طريقه إلى صلاة الفجر بجانب الساقية، تمشط شعرها الذهبي، ولكن "علي المارد" منعه من التحدث معها.

ساعده أيضا على رؤية الكثير من الأشياء الغريبة أيام الحروب التي خاضتها مصر، جيوش كاملة مهزومة تسير ليلا، أحد الجنود يجُرّ إحدى رجليه التي انقطعت في الحرب وراءه، جندي آخر يحمل أحشاءه التي تتساقط من بطنه بين يديه، جندي يحمل رأسه وكأنه يحمل طفلا رضيعا، دلالة على أن رأسه قد قطعت في الحرب ، جيوش كاملة من أشباح البشر منهزمة ، رآها "فضيلة" بمساعدة "علي المارد".

قاطع "عماد" "فتحي" مُتسائلاً بحيرة :

- . طب بقولك ايه يا "فتحي" ، بمناسبه العسكري اللي دماغه مقطوعه، تعرف واحد اسمه " حسن سعيد " ؟
- . حسن بن سعيد الصياد ؟

قالها "فتحي" مندهشا ؛ ليجيب "عماد" مُنبهرا:
· أيةة حسن بن سعيد الصياد .

أجاب "فتحي" سريعا:

· مش هسألك عرفته منين، بس الواد ده من فترة قبل العزا
لقوا جثته مرمية في الترعة ولقوا جثة كمان من غير دماغ لعيل
صغرى اسمه ..

· رضا !

قالها "عماد" لتزيد من دهشة "فتحي" :

· أيةة رضا صح ، عرفت منين ؟

· مش مهم عرفته منين، تعالى معايا بسرعة عايز اتأكد من
حاجة .

"فتحي" بنفاذ صبر:

· هنعمل ايه دلوقت ؟

· تعالى بس يا "فتحي" ومتسائلش .

نزل "عماد" من المنزل والتفت وراءه متوجه للأرض الزراعية
و"فتحي" خلفه يحاول اللحاق به مستفسرا عن الموضوع:

· يا عم الساعة عدت عشرة واحدنا ورایح فين ؟

ليجيب "عماد" بحدة:

• ممکن تسكت لحد ما نوصل ؟

"فتحي" مُستسلما:

• لما نشوف أخرتها معاك .

وصل "عماد" و"فتحي" للترعة التي قابل عندها "حسن"
الطفل الصغير و"رضا"، نظر "عماد" حوله وكأنه يبحث عن
شيء ما .

• أهي .

قالها "عماد" ليتساءل "فتحي":

• هي ايه اللي أهي ؟

• الشجرة..

"فتحي" ساخرا:

• أية شجرة ، عايز منها ايه ؟

• تعالى بس معايا كده واحفر هنا .

بدأ "عماد" يحفر بجانب الشجرة تبعه "فتحي" مُتضايقا:

• بهدلنا بقى على المسا ، كل يوم تروحنا مطينين .

• احفر وانت ساكت، خلينا نخلص .

حفر "فتحي" و "عماد" ولم يجدا شيئاً..

• حفرنا أهو يا عم ، تحب نزرع بقى ولا نعمل إيه ؟
("فتحي" ساخراً ليجيب "عماد") :

• لا. أحب تسكت، احفر معايا هنا .

• هي ليلة طويلة أنا عارف .

حفر "فتحي" و "عماد" للمرة الثانية ولم يجدا شيئاً.

• عندنا حفترتين أهو يا عم ابسط، تعالى بقى نمشي وننجي
بكرة الصبح نكمل حفر في الأرض كلها إيهرأيك ؟

• لا، احفر بقى في الحلة دي .

قالها "عماد" مشيراً إلى مكان آخر وهو يبدو عليه التركيز .

عاد "فتحي" و "عماد" للحفر مرة أخرى .

• أهو يا عم حفرنا، انجز بقى عايز أروح أتعشى .

لم يكمل "فتحي" الجملة حتى انتفض من مكانة قائلاً:

• يخربينك يا "عماد" إيه ده ؟

ليجيب "عماد" بشقة:

• دي دماغ !

• أيةه منا عارف إنها دماغ، دماغ مين دي ؟

. دي راس "رضا" اللي انتوا مش لاقينها .

قال "فتحي" صارخاً:

. هار اسود، عرفت الكلام ده منين ؟

. منا بقولك الموضوع شكله كبير .

. طب وبعدين، هنعمل إيه في المصيبة دي ؟

انتفض "فتحي" و"عماد" في تلك اللحظة عندما سمعا
الصوت "مش هروووح .. مش هروووح" ..

أخرج "عماد" الهاتف من جيب الجاكيت، ضغط على زر
الرد ثم قال بشغف:

. أيوة يا بابا ازيك ؟

ليجيب عليه والده بحنان:

. أيوة يا "عماد" يا حبيبي عامل ايه ؟؟

. تمام الحمد لله، ازيك انت يابابا وازي ماما عاملين ايه ؟

. الحمد لله بخير، وصلت البلد بالسلامة عند "فتحي" ؟

. واصل بقالي يومين بس معرفتش أكلمك، كنت مشغول
حبيتن .

ليجيب عليه والده بحنان:

• أنا كمان يا حبيبي، كنت مشغول بإجراءات السفر علشان
نرجع مصر.

"عماد" سعيداً:

- ترجعوا بالسلامة إن شاء الله .
- إن شاء الله، اديني "فتحي" أو والده أعزبهم .
- لا مفيش حد جنبي دلوقتي.

قالها "عماد" ونظر لـ"فتحي" ليجده ما زال مُتصلباً في مكانه
ينظر لرأسِ "رضا" ، ثم أكمل:

• أنا نزلت أشم شوية هوا وطالع هبقى أخليلك تكلمهم وقت
تاني .

• ماشي يا حبيبي، خد بالك من نفسك وهكلمك تاني
أطمئن عليك.

أنهى "عماد" المكالمة مع والده ونظر لـ"فتحي" مُتسائلاً:

• يالا بینا ؟

"فتحي" خائفاً:

• بینا فین ؟

• هنروح البيت خلاص .

• طيب والراس دي هنسبيها هنا ؟

• أمال هنا خدّها معانا؟ يالا يا عم هنكلم الشرطة وهي تتصرف، بدل ما ندخل في سين وجيم.

قام "فتحي" من مجلسه وهو مازال مرتعناً ينظر إلى الحفرة التي وجدوا بها الرأس.

نظر لـ"عماد" ليجد شبح ابتسامة على وجهه تبدو وكأنها ابتسامة النصر.

عاد "فتحي" وـ"عماد" إلى المنزل، بعدما أبلغا الشرطة عن ما وجدوه عن طريق تليفون عمومي، طلب "عماد" من "فتحي" أن يريه غرفة "فضيلة"، ليسألها "فتحي":

• عايز أنهي أوضة؟ أوضة النوم ولا المكتب؟

ليتساءل "عماد" بحيرة:

• امم، هو كان بيقعد فين باستمرار؟

صمت "فتحي" قليلاً وكأنه يتذكر ثم قال:

• هو كان بيعالج الناس وكل حياته تقريباً كانت في المكتب، غير كده كان بيطلع ينام في أوضته فوق.
• لا خلاص،، خلينا في المكتب.

دخل "فتحي" تبعه "عماد" إلى مكتب "فضيلة"، نظر "فتحي" إلى يديه قائلاً:

. بقولك ايه يا "عماد" أنا رايح الحمام أغسل إيدى ده غير
إني مزنوق على الآخر كنت هعملها على نفسي لما شوفت
المُصيبة اللي لقيناهَا ، بالمرة أعرفهم إننا وصلنا، علشان
يحضروا العشا .

. خد راحتك .

. أهم حاجة متلمسش أي حاجة يা�يدك دي غير لما تغسلها
علشان متبهدلش المكتب ، قالها "فتحي" وانصرف .

بدأ "عماد" في تأمل الغرفة وحاول أن يتخيّل ما كان
يحدث بها ، على ذلك الكرسي جلس "فضيلة" في يوم ما ،
تلك الكتب التي على المكتب ربما قرأها "فضيلة" في يوم من
الأيام ، أريكة .. ربما عالج "فضيلة" عليها شخصاً ما ، و أخرج
منه جنًا ، مكتبة بها الكثير من الكتب ، اقترب "عماد" لينظر
إلى الكتب عن قرب عندما سمع ذلك الصوت .

التفت "عماد" ليجد "فضيلة" يجلس على كرسي المكتب ،
ينظر إليه وعلى وجهه ابتسameh ، ويقول :

. هايل يا "عماد" ، كنت متوقع انك هتعرف مكان راس
"رضا" ، بس أنا عايزك في موضوع أكبر من ده .

الفصل الرابع : اللقاء

عاد "فتحي" إلى مكتب "فضيلة" بعدهما اغتسل ليجد
"عماد" واقفاً ينظر إلى كرسي مكتب "فضيلة" وعيناه متسعتان!

اقترب "فتحي" من "عماد" وبدأ في السؤال:
. مالك يا "عماد" متمنح كده ليه؟!

ليجيب "عماد" وهو ما زال مُنتصباً، وعيناه لم يرمش لهما
جفن ..

. "فضيلة" يا "فتحي" !

ليتسأل "فتحي" بحدة:

. ماله؟

فيجيب "عماد" وهو ما زال على نفس الحالة:

. لسه جايلي حالاً !

"فتحي" مُندهشاً:

. جالك؟ هي إيه الحكاية بقى؟

نظر "عماد" حوله، وكأنه فاق من صدمته ثم قال:

• الموضوع كبير يا "فتحي"، تعالى معايا !

• آجي معاك فين تاني ؟

• تعالى بس هقولك كل حاجة في السكة .

قبل وقت قليل ..

• هايل يا "عماد"، كنت متوقع انك هتعرف مكان راس

"رضا" بس أنا عايزك في موضوع أكبر من ده.

قالها "فضيلة" ليتفت "عماد" لمصدر الصوت قائلاً:

• بسم الله الرحمن الرحيم! قل أَعُوذ بِرَبِّ الْفَلَقِ، هى سورة
الكرسي كان أولها ايه ؟! يالهوي شكلني نسيت .. اه افتكرت،
(الله لا إله إلا هو الحي القيوم..) انصرف .. انصرف ..
انصرف ..

قال "فضيلة" ضاحكاً:

• اهدى يا "عماد".

• أهدى إزاي يا عم انت، هو مش انت كنت ميت وراحوا
دفوك ، راجع تاني ليه ؟

"فضيلة" بهدوء:

• عايز منك خدمة .

"عماد" منفعلا :

• خدمة إيه يا عم؟ أعود بالله من الشيطان الرجيم .

• شيطان إيه يابني! اهدى بقى خلينا نعرف نتكلم .

• والله يا عم "فضيلة" أنا معملتش حاجة .

قالها "عماد" وكأنه سيبكي ليجيب "فضيلة":

• يابني هو أنا مباحث، أنا عايز منك خدمة !

• خدمة.. خدمة إزاي؟ أوعي تكون هتموتني وتأخذ

جسمي؟

• أدي آخرة آلافلام الأجنبي اللي بوظلكوا دماغكوا، يابني
عايزك في موضوع مهم .

• يعني مش هتموتني؟

قال "فضيلة" منفعلا:

• يابني لا، حرام عليك، خليني أقول الكلمتين اللي جاي
أقولهم لك .

هدا "عماد" قليلا ثم قال:

• طيب يا عم "فضيلة" قولهم، بس عايزك تعرف إني بحبك
وربنا .

ليتسائل "فضيلة" بنفاذ بحدة:

• يابني وانت تعرفني أصلًا؟

فيجيب "عماد" بقلق:

• لا، بس أنا قلت أقولك لحسن تكون ناوي تعمل فيا

حاجة !

• لا متقلقش أنا عايزة منك خدمة، ومش ناوي أعمل فيك

حاجة .

• طيب ، إذا كان كده ماشي، ينفع أروح الحمام طيب ؟

نظر "فضيلة" بحدة إلى "عماد" ثم قال:

• اللهم طولك يا روح .

صمت "عماد" قليلا ثم قال:

• طيب خلاص مش رايح الحمام، بس معلش سؤال هو

انت عفريت ؟

ليجيب "فضيلة" بلا مبالاة:

• مش بالظبط !

تساءل "عماد" بجزع:

• مش بالظبط إزاي ؟

. أنا "فضيلة"، بمعني أصح قرينه .

. قرينه إزاي يعني ؟

أجاب "فضيلة" بنفاذ صبر:

. بُص علشان انت شكلك هتتعبني معاك، أنا دلوقتي "فضيلة" اعتبرني روح بقى، قرين، شبح، أي حاجة المهم تسمع الكلمتين اللي هقولهملك وتطبّقهم كويس .

. طيب خلاص، بُص أنا مش هتكلم تاني ولا هنطق .

وضع "عماد" يده على فمه، فأكمـل "فضيلة" قائلاً:

. ماشي يا سيدـي ، الموضوع اللي عايزـك فيهـ، بخصوص العيـال اللي عـمالـة تـموـتـ دـيـ، اللي اـنتـ لـقيـتـ دـمـاغـ واحدـ منهمـ .

قاطـعـ "عمـادـ" "فضـيلـةـ" قائلاـ:

. ينفعـ أـتكلـمـ ؟

ليجـبـ "فضـيلـةـ" وهوـ يـحاـولـ أنـ يـكتـمـ غـيـظـهـ:

. اـتفـضـلـ اـتكلـمـ .

. اـنتـ الليـ بـتمـوـتـهـمـ ؟

أجاب "فضـيلـةـ" منـفـعاـ:

• أموت مين يابني، أنا جايلك علشان ننقدهم، بمعنى أصح
ننقد حد تاني من الموت .

• طيب خلاص متضايقش نفسك، افضل كمل .

• بُص هحكليلك حكاية، وحاول ترکز معايا، علشان تعرف

هتعمل ايه.

• حاضر.

أكمل "فضيلة" كلامه لـ"عماد" وكانت القصة كما يلي .

منذ أكثر من 70 عاماً، لم يكن هناك وجود لما يسمى عزبة الـ 100 عبيط ، كانت أرض العزبة وما حولها مخصصة للزراعة، إحدى هذه الأراضي كان يمتلكها مجموعة مكونة من ثلاثة رجال أشقاء هم ("سيد" عبد التواب، "يوسف" و "مصطفى") .

في صباح أحد الأيام، بينما كان يحفر "سيد" في الأرض، ارطم الفأس بقطعة صخرية، انحنى الرجل ينظر إلى تلك الصخرة ليجد عليها مجموعة من النقوش، حاول أن يزيد من مساحة الحفرة ليكتشف "سيد"، أنه أمام اكتشاف رهيب، اكتشاف ربما يكون السبب في جعله من أثرياء القوم هو وإخوته، أعاد التراب مرة أخرى على الحفرة وعاد مسرعاً إلى منزله ليخبر أشقاءه، ليعودوا معه إلى ذلك المكان مرة أخرى .

بدأ الأشقاء الثلاثة في الحفر مرة أخرى، حتى بدأت تظهر تلك الصخرة، وحينما بدأوا في زيادة مساحة الحفرة، ظهرت المزيد من النقوش، وبعد حفر استمر عدة ساعات، بدأت الصورة تتضح للجميع .

كانت الصخرة ما هي إلا باب صخري كبير عليه مجموعة من النقوش الفرعونية، تتوسطها صورة لملك يرتدي تاجاً، يرفع إحدى يديه في الهواء حاملاً سيفاً وتحت قدميه يوجد رجل يجلس على ركبتيه رافعاً رأسه في اتجاه الملك يتسلل إليه ألا يقتله، صورة كبيرة لشمس أعلى رأس الملك يمتد منها شعاع يصل إلى تاج الملك، وبجانب الملك رجل يمسك بين يديه كتاب، يبدو وكأنه يتلو منه بعض الكلمات على مسامع الحضور .

وجدوا أيضاً مجموعة من الصور والنقوش مرتبة بشكل ما فوق تلك الصخرة ليبدوا أنها رسالة أو معلومات عن المقبرة .

صورة الملك حينما تنظر إليها تجد بها الكثير من الرهبة، ولكن إن كنت أحد هؤلاء الثلاثة فقد تحصل على كثير من الفرح ليغطي على الرهبة تلك .

مقبرة فرعونية لملك وجدتها في أرضك بالصدفة، يبدو أنك استشعرت الفكرة وعلمت أنك ستحصل على كثير من الكنوز .

لحظات تأمل مرت عليهم غير مُصدقين لما وجدوه، وبدأ كل شخص في رسم أحلامه وطموحاته وكيف ستكون حياته القادمة .

امتدت يد أحدهم إلى الفأس ورفعه عالياً ليdemر تلك الصخرة حتى يستطيع الدخول إلى المقبرة، وكانت المفاجأة !

في اللحظة التي ارتفع فيها الفأس عالياً، اهتزت الأرض وانفتح الباب من تلقاء نفسه، نظر الرجال الثلاثة إلى بعضهم البعض، ثم نظروا مرة أخرى إلى الباب، الذي ظل مفتوحاً، وكأنه يوجه لهم رسالة: الموضوع أبسط من ذلك لا يحتاج إلى العنف، إذا أردت الدخول، فقط تفضل .

اقترب الأشقاء الثلاثة من الباب للدخول، لتقابلهم تلك الرائحة البشعة الناتجة عن تحلل ما في المقبرة على مدار السنين، لم تكن مقبرة توت عنخ أمون اكتشفت في هذا الوقت، ولم يدركوا أن الهواء محمل بكثير من البكتيريا السامة التي قد تقتلهم .

بشاعة الهواء المنبعث من المقبرة والذي جعل بطونهم تلفظ ما بداخلها، جعل كبارهم يعيد التفكير في الدخول للمقبرة .

دار الحوار الآتي بين "سيد" موجهاً كلامه لأخيه "يوسف" الذي ما لبث أن حاول الدخول للمرة الثانية واضعاً يده على أنفه عليها تخفف من شدة الرائحة الكريهة.

• استني رايح فين ؟

"يوسف" مُندهشا في إشارة منه إلى المقبرة :

• هكون رايح فين، داخل المقبرة !

وضع "سيد" يده على كتف أخيه ليبعده عن المقبرة قائلا:

• لا .. احنا نسيب المقبرة دي تتهوى شوية، وبعدين
ندخل !

نظر "يوسف" إلى المقبرة مرة أخرى ثم تسائلا بلهفة:

• نسيبها لحد امتى يعني ؟

• نستنى يومين، لحد ما الهواء يتغير ونبقى ندخل، هي
هتروح فين يعني؟ أهي موجودة، المرة دي بطننا مستحملتش،
المرة الجايا محدث عارف إيه اللي ممكن يحصل !

يومان مرا على الأشقاء الثلاثة يجلسون أمام المقبرة في
انتظار أن يتم تجديد الهواء، حتى يستطيعوا الدخول آخذين
بنصيحة أكبرهم .

أصحاب الملل "مصطفي" أصغرهم وبدأ في السؤال متذمرا:

• أنا بدأت أزهق، احنا هندخل امتى ؟

ليجيب "سيد" بحزم:

• اصبر شوية كمان .

فعاود "يوسف" السؤال للمرة الثانية :

• هنصبر لحد امتى ؟

فأجاب "سيد" منفعلاً :

• لحد ما نتأكّد إن الهوا بقى نضيف !

فتتابع "مصطفى" السؤال موجهاً كلامه لـ"سيد" :

• وهنتأكّد ازاي ؟

في تلك اللحظة، انتبه الرجال الثلاثة لوجود صوتٍ مُواعِي بجانبهم، التفتوا لمصدر الصوت، ليجدوا قطة سوداء صغيرة، يبدوا عليها التعب، تُصْدِرُ مُواعِي ضعيفاً، تقترب من مكان مجلسهم، تبحث عن بعض الطعام، التمعت أعين الرجال الثلاثة حينما عرفوا ما يجب عليهم فعله .

أسرع "يوسف" إلى القطة، حملها بين يديه واتجه بها إلى باب المقبرة وهو يقول:

• كنتي فين من زمان ! دلوقتي بقى هنعرف إذا كان ينفع
ندخل ولا لا ؟

ألقى "يوسف" القطة الصغيرة داخل المقبرة وعاد ليجلس بجانب شقيقته.

لحظات صمت مررت عليهم وهم في انتظار خروج القطة .

حينما بدأ شعورهم بالملل يزداد، وبدأوا يشعرون بفقدان الأمل، وجدوا القطة الصغيرة تخرج من باب المقبرة مُصدرة ذلك الماء الضعيف، تلعق إحدى يديها الأمامية، تنظر حولها وكأنها لا تراهم، ثم ابتعدت عن باب المقبرة .

كانت تلك الإشارة كافية ليتأكد الأشقاء الثلاثة أن المقبرة آمنة لدخولهم .

بالفعل بدأوا في الدخول واحدا تلو الآخر، في ذلك الوقت شعر "سيد" أنه من الأفضل له أن ينتظر في الخارج، دخل "يوسف" و"مصطفى" إلى المقبرة، وانتظر "سيد" بالخارج .

بعد فتره ليست بالطويلة، بدأ "سيد" يشعر بالملل، ثم الفضول لمعرفة ماذا وجد شقيقاه ؟

ماذا يفعل ؟ هل يدخل إلى المقبرة أم ينتظر ؟

بعد قليل بدأ "سيد" يشعر بالقلق، لماذا تأخر شقيقاه بالداخل، اقترب من باب المقبرة وبدأ ينادي على شقيقيه، انتظر قليلاً ولم يتلق أي رد، عاد إلى مجلسه مرة أخرى .

بدأت الحيرة تظهر على وجهه، هل يدخل إلى المقبرة، أم يعود إلى قريته، ليخبر أهله بما حدث عليه يجد من يستطيع مساعدته .

جاءت الإجابة على تساؤلاته عندما وجد تلك القطعة تعود من جديد لتدخل إلى المقبرة من تلقاء نفسها، شاهد الرجل ما يحدث بفضول، اقترب من باب المقبرة مرة أخرى واضعاً يده على فمه وأنفه تحسباً لوجود تلك الرائحة الكريهة، في تلك اللحظة ظهرت القطعة من جديد على بعد عدة أمتار من الرجل.

هناك شيء ما يحمله ذلك القط في فمه !

عندما دقق "سيد" النظر، اكتشف أنّ ما تحمله القطعة ما هي إلا ونيسة ذهبية ، ((عروسة ذهبية صغيرة طولها في حدود 10 سم كان يوضع الكثير منها في مقابر الفراعنة اعتقاداً منهم أنها تساعد في خدمة صاحب المقبرة في الحياة الأخرى)).

ابتسم الرجل واقترب ناحية القطة ليلتقط منها تلك الونيسة، ولكن القطة عادت مرة أخرى إلى الداخل، ليتقدم الرجل بضع خطوات أخرى داخل المقبرة .

بعد مرور أيام، بدأ خبر اختفاء الرجال الثلاثة ينتشر في القرية، منهم من اعتقد أن الرجال الثلاثة ينسوا من الحياة في القرية فقرروا الرحيل، ومنهم من اعتقد أنّ "النداهة ندتهاهم" ، ومنهم من اكتفى بقول "الغائب حجته معاه" ، ولكن بعد مرور المزيد من الأيام واختفاء بعض الأشخاص الآخرين الذين قرروا البحث عنهم، بدأ الفزع يدب في أرجاء القرية، وبنزادة أعداد المفقودين، قرر أهالي القرية في النهاية عمل مجموعات من

رجال القرية والقرى المحيطة للبحث عن المفقودين أو على الأقل علّهم يعثرون على جثثهم .

وصلت مجموعة من الرجال لأرض ("سيد"، "يوسف" و "مصطفى") لينالوا قسطاً من الدهشة والسعادة اختلط بالقليل من الخوف حينما رأوا تلك المقبرة الفرعونية، ولكن فكرة وجود مقبرة مملوقة بالذهب والكنوز ، ألغى ذلك الشعور بالخوف، تسارع الرجال في الدخول إلى المقبرة ليكتنز كل منهم من الكنوز الموجودة بالداخل .

في الخارج .

وقف طفل صغير لم يتجاوز الخمس سنوات، ينظر إلى تلك المقبرة غير مهتم، لا يعلم لما تركه والده وأسرع في الدخول، جلس على الأرض في انتظار خروج والده .

بعد مرور عدة ساعات بدأ الصبي الصغير يشعر بالجوع والعطش، ولم يدر ما يجب عليه فعله، بدأ الطفل في ينادي على والده، ولكن والده لم يجب، نادى أكثر من مرة ولم يتلق أي رد، بدأ الطفل الصغير في البكاء .

بعد دقائق، كانت تمر مجموعة أخرى من الرجال الذين ذهبوا في رحلة البحث تلك، حينما سمعوا صرخ الصبي الذي اختلط مع البكاء اقتربوا منه .

بعد سؤال الصبي عن والده، أشار الصبي إلى الحفرة التي نزل منها والده، لتصيبهم الدهشة ولتشع أعينهم من هول المفاجأة .

تلك المرة، جلس بعض الأشخاص بجانب الطفل الصغير، في حين بدأ البعض الآخر في الدخول واحدا تلو الآخر ، بعد مرور دقائق، بدأ الرجال المنتظرون في الخارج بالشعور أن هناك شيئاً ما خطأ، كل الرجال الذين دخلوا إلى تلك المقبرة لم يعودوا .

حاول أحد الأشخاص الاقتراب من باب المقبرة لينادي على من دخلوا، ولكن لم يتلق أي رد، في تلك اللحظة تيقن من بالخارج أن تلك المقبرة ملعونة ، وأنها هي السبب في اختفاء جميع الرجال السابقين .

عاد من تبقى من الرجال إلى القرية، وبدأ الخبر في الانتشار ، وصل الخبر إلى رجال الشرطة، ليتم تكوين فريق مبدئي للذهاب إلى موقع المقبرة للحفاظ عليه بقيادة ضابط شرطة يدعى "مصطفى" .

عند وصول رجال الشرطة إلى المكان وجدوا القليل من الفضوليين من أبناء القرية وقرى مجاورة ابتعدوا عن الموقع سريعاً عند وصول الشرطة، اقترب "مصطفى" من باب المقبرة وطلب من جنوده الدخول، ولكن أحداً لم يستجب، استاء الشرطي، وأطلق الكثير من السباب، ثم قال:

. كلَّكم متحولين للتحقيق لما نرجع، بتعامل مع شوية عيال،
خايفين من إيه؟ انتوا مصدقين الكلام الأهلل بتاع الأهالي؟ أنا
هوريكوا إن كل الكلام ده كلام فاضي .

دخل الشرطي إلى المقبرة ثم قال متباهيا:

. أهو مفيش حاجة، صدقتوني .

توغل قليلاً إلى الداخل ليختفي في الظلام، ثم قال:

. أهو مفيش حا

لم يكمل "مصطفى" كلمته حتى استمع الجنود، إلى صرخة طويلة، تشعر لوهلة أنها -الصرخة- لن تنتهي، تصدر من داخل المقبرة لتحقق جميع الطيور الموجودة داخل الأرض الزراعية في نفس الوقت بعيداً وકأنها تنجوا بنفسها .

اجتمع الكثير من رجال الشرطة للمرة الثانية حينما وصل خبر اختفاء ذلك الشرطي إلى القسم، خاصة حينما علموا بقرار أهل القرية ردم تلك الحفرة التي يوجد بها المقبرة الفرعونية .

ظهر اسم "فضيلة" وبدأ يتردد بين سكان القرية، "فضيلة" هو الوحيد في القرية القادر على معرفة ما يحدث في تلك المقبرة، ولكن أين "فضيلة" الآن؟!

في مكان ليس بالبعيد، كان "فضيلة" يجلس على الأرض يبدو لمن يراه من بعيد أنه يتحدث مع نفسه، إن أردت الدقة بمقاييس عالمنا نحن، هو يتحدث مع نفسه، اقترب أحد الرجال من "فضيلة" وهو ينادي عليه ولكن "فضيلة" لم يعره أي اهتمام، كان يبدو من جلسة "فضيلة" أنه يقوم بأمر ما.

حينما اقترب الرجل من "فضيلة" أكثر وجد "فضيلة" يجلس يتمتم ببعض الكلمات غير مفهومة، وعلى بعد عدة خطوات منه يوجد اثنان من الأحجار الجيرية، اقترب الرجل أكثر من "فضيلة"، ليشاهد أغرب مشهد ممكناً أن يراه في حياته .

ارتفع الحجران في الهواء وظلوا في تلك الوضعية ما يقرب من عشر ثواني، نظر الرجل إلى الحجرين غير مصدق ما يراه، وضع الرجل يده على كتف "فضيلة"، ليصطدم الحجران بعضهما البعض ويتحولا إلى رماد، ويقول "فضيلة" بثقة:

• عايز ايه يا "إبراهيم" ؟

ليجيب "إبراهيم" مندهشاً :

• وكمان عارف اسمي ؟

صمت قليلا ثم قال ببراءة:

• أنا مش عايز حاجة، هما اللي عايزينك في الأرض بتاعت سيد "عبد التواب" .

في ذلك الوقت كان "فضيلة" في مرحلة الشباب، قمحى اللون، يرتدي جلباباً رمادياً، يمتلك جسداً قوياً بالنسبة لشاب في عمره، عيناه واسعتان يبدو عليهما الذكاء، أنفه غليظ، حليق الذقن والشارب .

قام "فضيلة" من جلسته ونظر إلى المدعو "إبراهيم"، ثم قال:

- مين اللي عايذني ؟

ليجيب "إبراهيم" بلهفة:

. أهل البلد كلهم هناك . والبوليس كمان وصل، وعايزينك علشان في حاجات غريبة بتحصل في أرض "سيد عبد التواب" ذهب "فضيلة" مع "إبراهيم"، وببدأ في سؤاله عما يدور في أرض "سيد"؟

عند وصول "فضيلة" إلى المقبرة، بعدما رأى الاستعدادات الأمنية والأهالي الغاضبة، شعر "فضيلة" بخطر كبير، الخطر الأكبر شعر به عندما علم "فضيلة" من "علي المارد" بوجود الكثير من الأرصاد في المكان.

((الرحد هو الجن المسؤول عن حماية المقابر الفرعونية يتم استدعاؤه لحماية الأماكن الموجودة بها الذهب بشكل خاص)).

المشكلة الأكبر ظهرت عندما علم "فضيلة" أن "علي المارد" لا يستطيع حمايته وحده من كل هؤلاء الأرصاد إذا وقعت أي مشكلة، فكر "فضيلة" قليلاً حتى توصل إلى حل مبدئي، بعدها علم نية رجال الشرطة بقيادة ضابط يدعى "شمس" في الدخول إلى المقبرة لمعرفة ما يدور في الداخل.

ظهر اسم "ميلاد غالى" كحل مبدئي ليأتي لمساعدة "فضيلة" إذا وقعت أي مشكلة .

للتعرف أكثر على ميلاد : "ميلاد غالى"، قابله "عماد" عندما وصل إلى كفر فقر في بداية الرحلة، كاهن في كنيسة كفر فقر في الوقت الذي نتحدث عنه الآن، مسؤول عن جميع المناسبات من أفراح أو جنائز أو أي مناسبات أخرى داخل الكنيسة بالإضافة إلى أنه أثبت براعته في التعامل مع الجن أو ما يسمى في المسيحية "بطرد الشياطين" .

من القلائل الذين تعاملوا مع "طلمش" و "خربط" ((جن مسيحي مشهور)).

ونجح في تكوين علاقة جيدة معهم، بجانب أنه بحكم نشاطه وقدرته على طرد الشياطين فهو صديق شخصي لـ"فضيلة" ..

طلب "فضيلة" من "إبراهيم" . الشخص الذي أحضره إلى المقبرة . الذهاب إلى كنيسة كفر فقر واستدعاء "ميلاد" قائلاً بحدة:

. هتروح للكنيسة بتاعة "ماري جرجس" تدور على ميلاد غالى، تقوله "فضيلة" بيكولك سيب اللي في إيدك وتعالى حالاً علشان عايزةك .

كان ميلاد هو الآخر شاباً قوي البنية، نشيطاً، قمحى اللون هو الآخر. أنفه غليظ، عيناه ضيقتان، دائمًا ما يبتسم حتى وإن كان حزينا .. فمه صغير نسبياً، لديه شارب أسود ولحية قصيرة، شعره متوسط الطول لامع ينساب على جانبي وجهه، الصليب يتدلّى من سلسلة على عباءته السوداء ..

ذهب "إبراهيم" لينفذ ما طلب منه، اقترب "فضيلة" من باب المقبرة ورأى النقوش للمرة الأولى، علم "فضيلة" من "على المارد" أن تلك النقوش هي تحذير لعدم الدخول إلى المقبرة مجموعة من النقوش والكلمات بجانب بعضها كونت تلك العبارة .

"من يدخل من هذا الباب فهو عبيط يجب قتله"
((عبيط هي كلمة فرعونية مكونة من مقطعين "عا" بمعنى حمار و "بيط" بمعنى شخصية)).

. يعني الحمار اللي هيدخل من هنا هيموت .

قالها "فضيلة" محدثاً نفسه.

طلب "فضيلة" من "شمس" ضابط الشرطة عدم التسرع في الدخول إلى المقبرة وأن لديه حلاً سيرضي جميع الأطراف

عاد "إبراهيم" ومعه "ميلاد"، رحب "فضيلة" بـ"ميلاد"، وشرح له الموقف، طلب منه استدعاء "خربيط" و "طلمنش" وكل توابعهم، في حين أن فضيلة سيقوم باستدعاء بعض الجن، ليقوموا بمعاونة "علي المارد"، لتشتيت الأرصاد والدخول إلى المقبرة .

بعد مرور عدة دقائق، كانت هناك معركة بين الجن الخاص بـ"فضيلة" و "ميلاد" وبين الرصد المسؤول عن حراسة المقبرة ، ما هي إلا دقائق حتى استطاع "فضيلة" تحديد جميع مداخل المقبرة بمساعدة "علي المارد".

طلب "فضيلة" من بعض الرجال الموجودين، الحفر في مكان ما على بعد خطوات من الباب الرئيسي للمقبرة ، بعد عدة دقائق كان هناك باب آخر يظهر بوضوح، نزل "فضيلة" إلى الحفرة ومعه بعض رجال الشرطة، طلب "فضيلة" من ميلاد أن يستمر في تشتيت الأرصاد حتى يعود مرة أخرى، استطاع "فضيلة" من الدخول إلى المقبرة من ذلك الباب، تبعه رجال الشرطة .

حينما دخل "فضيلة" إلى المقبرة، أشعل رجال الشرطة المشاعل التي أخذوها معهم قبل الدخول ليظهر ذلك المشهد.

مشهد في غاية الأسى، الكثير من جثث الرجال ملقاة بداخل المقبرة، الكثير من الجثث جاحظة الأعين، بينما تنظر

إليهم تشعر أن تلك الأجساد امتص ما فيها من سوائل، لترك
كهيأكل عظمية مكسوة بالجلد ..

علم "فضيلة" فيما بعد أن عدد الجثث وصل إلى 100
جثة .. 100 جثة .. لـ 100 رجل .. لـ "100 عبيط".



النشر و التوزيع

الفصل الخامس : السر

"كل من يقوم بدخول هذا القبر ويقوم بأعمال شريرة تجاهه أو يدمره، أو يخرج منه موميatic، فلن يورث أبناؤه أملأكه، ولن يعيش ليسعد قلبه في الحياة، كما أن روحه ستلهك إلى الأبد، وسأكون خصيمه في الحياة الأخرى " .. (كا - رع) .

كلمات حُفرت على جدران المقبرة من الداخل، كلمات عندما تنظر إليها تشعر وكأنك تستطيع قراءتها، قد لا تبدو من الولهة الأولى مفهومة، أو قد تراها مجرد نقوش ورسومات بعض الطيور بجانب رسومات لمفتاح الحياة الشهير وبعض من الدوائر والشعابين، ولكن إن دققت النظر في تلك الرسومات، تشعر وكأن صوتاً ما يحدثك من داخل عقلك .

. دخولك هنا، هو أكبر خطأ قمت به في حياتك .

التفت "فضيلة" لمصدر الصوت، ليجد نفسه ينظر إلى قائل الجملة السابقة.

وكان المشهد كالتالي:

شاب يبدو أنه في الثلاثينيات، على بعد خطوات قليلة منه يرتدي جلباباً أسود وسلسلة عُلقت بها تميمة على شكل عين حورس، نقوش ذهبية على ياقة الجلباب والأكمام، عينان تم تكحيلهما بعناية، هدوء تام يسيطر على هذا الشخص، يمسك بيده عصا خشبية على شكل ثعبان بها جوهرتان حمراء، وضعتا مكان عيني الثعبان.

نظر "فضيلة" حوله، فوجد الرجال الذين دخلوا معه إلى المقبرة كل منهم مشغول بشيء ما، منهم من يتفحص المقبرة، منهم من يفتش عن شيء ما أو يتفحص الجثث ليتأكد من هلاكهم جميعاً، منهم من يحاول إزالة التراب عن تمثال حجري مُلقى على الأرض، ولكن مهلاً، حركة الرجال بطيئة للغاية، إن دقق النظر تشعر وكأنك تشاهد فيلماً بالتصوير البطيء "slow motion" فإنه زجاجية تربط بينك وبين هذا الشخص، كأنك في عالم صنع لأجلك، وبافي الرجال في عالم آخر ..

• رَكِزْ معايا !

قالها الشخص، لينقل "فضيلة" تركيزه إليه، ويبدأ بتفحصه للمرة الثانية، مهلاً عيناه مشقوقتان بالطول .

بدأ الرجل بالتعريف عن نفسه قائلاً:

. "سارويل" ابن "شيشان" الرصد المسؤول عن حراسة المقبرة منذآلاف السنين، قائد آلافاعي والتماسيح، أرى بعيون الصقور، تجذبني كالعقرب بين الصخور .

رد "فضيلة" ساخرا:

. "فضيلة"، احم ، بس .

صمت "فضيلة" قليلا ثم أضاف:

. أبويا عنده فدانين أرض، وبيت في نص البلد، ومصاحب جنّ، بس هادي عن حضرتك شوية كده، بيحكي قصص بس، ويوم ما بيحصل عركة زي دلوقي، بيجيب أصحابه علشان يتخانقوا معاه .

. مادا تقول ؟

. لا ابدأ، بقولك فُرصة سعيدة، بس مش عارف ليه حاسس إن الجو غريب شوية !

أجاب الرصد بلا مبالاة:

. هذا بفعل النطاق الزمني، يساعدنا على التحدث بخصوصية، واختصار الوقت .

وواصل " سارويل " كلامه، متجاهلاً نظرات "فضيلة" له، وبدأ في سرد قصة جديدة .

منذآلاف السنين اشتهرت مصر القديمة بالسحر، كان السحر لدى القدماء المصريين، من الأشياء المهمة في حياتهم، ارتبط السحر لدى القدماء المصريين بالدين، وبناء عليه، ارتفعت مكانة الكهنة لدى الفراعنة بتعليمهم السحر .

كان السحر الأكثر شيوعاً لدى الفراعنة هو السحر الوقائي أو السحر الدفافي، وكان الهدف منه، طرد الأرواح الشريرة، وتجنب الحسد، كما كان هناك جزء آخر، الهدف منه القضاء على الأمراض، فارتبط السحر بالطب، وارتفعت مكانته للمرة الثانية .

" كا - رع " كاهن مصري، تعلم السحر وأتقنه على يد كبار الكهنة، برع فيه، فاشتهر بين الفراعنة المصريين بذلك .

لم يكتف بما تعلمه من الكهنة المصريين، ولم يتوقف عند السحر الدفافي بل ازدادت رغباته في تعلم المزيد من السحر بكافة أنواعه .

بدأ رحلة البحث عن أسرار السحر المختلفة، وانتقل من مكان لآخر، بحثاً عن أي معلومة تساعدة في إشباع رغباته في تعلم السحر. بعد الكثير من سنوات البحث والاطلاع، و الكثير من المخطوطات التي وجدتها وتعاهد على إحراقها بعد تعلم محتواها، وبعد تسخيره لجماعات من الجن، وتعلم المزيد من السحر، أصبح "كا - رع " أقوى ساحر في مصر الفرعونية .

قاطعه "فضيلة" قائلاً:

• مسم ! قصة كفاح والله العظيم، إيه المشكله برضو،
مفهومتش ؟

ليجيب "سارويل" ..

• المشكله في الجزء القادم من القصة، دعني أكمل .

استكمال الرصد كلامه قائلاً:

شهدت حياة "كا - رع" الكثير من النجاحات، تقرب من الملك، وأصبح المستشار الأول له، طيلة حياته ، ساعد الملك في الكثير من الحروب، وبمساعدة الجن استطاع الحصول على كثير من الانتصارات التي قدمها هدية إلى الملك في ذلك الوقت .

في سن الخامسة والأربعين، بينما كان نائماً، حلم "كا. رع" أن ثعباناً ضخماً يلتف حوله، فيما يحاول هو إبعاد الثعبان عنه ولكنه لا يستطيع، دقائق مرت وكأنها الساعات، دقات قلبه وكأنها طبول الحرب، العرق يزداد على وجنتيه، ينساب على رقبته، نظرات الثعبان تسيطر على تركيزه، يتمايل الثعبان يميناً ويساراً ثم ينقض على رأسه فتظلم الدنيا، ويستمع إلى كلمات قليلة في أذنيه قبل أن يستيقظ من النوم :

• "باقي من الزمن إحدى عشر، بعد الإثني عشر" .

استيقظ من نومه، لا يدرى ما يفعل، لأول مرة يدرك أنه ضعيف، بعد كل ما حصل عليه من القوة، ما زال ضعيفا !
ذهب إلى الملك، وأخبره عن الرؤيا التي جاءته، لم يدرك الملك ما يريد أن يخبره به، فطلب منه أن يفسر له الرؤيا .

أخبره " كا - رع " معللا:

. أما الثعبان، فما هو إلا الموت، الموت الذي يحاصر الإنسان، منذ لحظة ميلاده، فمهما بلغت من القوة، سيظل هو أقوى منك، وأما بخصوص الإحدى عشر، فهي الأيام المتبقية لي، و الإثنى عشر، فهي عدد شهور السنة، أي: إن وفاتي، ستكون بعد عام وإحدى عشر يوما .

خرج "عماد" من المنزل مسرعاً تبعه "فتحي" مُنزعاً:

. انت يا عم، انت ايه حكايتها بقى، من ساعة ما جيت وانت مم رمضانني ؟

رد "عماد" كاظما غيظه:

. انت عارف أنا نفسي في ايه يا "فتحي" ؟

ليجيب "فتحي" سريعاً:

. نفسك تتعشى أكيد، أنا كمان جعان .

. لا بالعكس، نفسي تسكت .

. مashi يا "عماد" هسكت ..

لحظات وتحدت "فتحي" مرة أخرى:

. طب بقولك إيه يا "عماد".

ليجيب "عماد" بنفاذ صبر:

. هاه، إرغني .

. ما تعتبرني زي أخوك الصغير وتفهمني في إيه؟

. طيب مدد شوية، علشان نلحق نوصل، وأنا هحكيلك كل حاجة .

نزلت كلمات "كا - رع" على الملك كالصاعقة، فقد كان الملك يؤمن بقدرته على التنبؤ بالمستقبل عن طريق بعض الرؤى التي لم تضل طريقها، ولو لمرة واحدة.

نظر الملك إليه بتوتر قائلا:

. وماذا ستفعل الآن؟

ليجيب عليه:

. لا شيء، فقط سأعيش ما تبقى من عمري، متناسيا موعد رحيلي، إلى الحياة الأخرى .

رد عليه الملك وعلى وجهه الكثير من علامات الأسى والحيرة:

. لن تكون نهايتك عاديه، يجب أن تُخلد في التاريخ،
سأعطيك ما لم أعطه لأحد من قبل، سأبني لك مقبرة ضخمة،
لتكون ملاداً لك حتى نجتمع سوياً في الحياة الأخرى، كما
ستكون مراسيم دفنك ملكية .

. شكرنا لك سيدتي ، ولكن أرجو أن تكون مراسيم دفني
عادية، كما أنتي أفضل أن أموت ومعي ما تعلمته من أسرار لا
أريد مقبرة ضخمة، لا أريد لأحد أن يبحث عن تاريخي، أو
يحاول أن يتعلم ما تعلمته، لا أريد أن أكون رمزاً !

. حسناً، بما أن الكلمة قد فارقت شفتي، فإني لن أعود
عن قراري، سأبني لك هرماً، لم يكن لأحد قبلك، لن يكون
هرماً كأهرام الملوك، سيكون أول هرم مقلوب في التاريخ،
قاعدته إلى الأعلى ورأسه إلى الأسفل، "سيُدفن في الرمال،
ولن يعرف أحد عنه أي شيء، سيكون مثواك الأخير، لك كاملاً
الحرية أن تأخذ معي ما تريده، حتى تستمتع برحلتك إلى العالم
الآخر ..

لم يستطع أن يرفض قرار الملك .

وبالفعل، بدأ الملك بناء الهرم المقلوب، كهدية لكافنه
المقرب .

وفي تلك الأحيان بدأ "كا - رع" للمرة الأولى بتدوين ما تعلمه من السحر، على أوراق البردي، كما بدأ بجمع كل الأشياء التي استعان بها يوماً من الأيام، لتنفيذ أعماله السحرية .

عام كامل، مر عليه ما بين رصد لما تعلمه على الورق والتمائم، وبين تعلم المزيد من السحر، كما حاول أن يكون توثيقه كاملاً للسحر الفرعوني، وحينما انتهى كان "كا - رع" أول من جمع السحر الفرعوني كله في مكان واحد .

- بس يا سيدى، افتكرت "رضا" اللي سألتك عليه، لقيتك بتقولي لقوا جثته في الترعة من غير دماغ، شكّيت إن ظهور رضا ليا مع حسن وما تش الكورة اللي حسن كان عايزة أعبه معاه، إشارة لمكان رأس "رضا"، روحت للشجرة اللي حسن قالى إنه مخبي الكورة وراها، وزى ما توقعت لقيت رأس "رضا".

وحينما انتهى "عماد" من سرد القصة، قال "فتحي" صارخاً:

- هار اسود، يعني كلنا هنمومت ؟

أجاب "عماد" محاولاً تهدئته:

. يا عم متقلقش، إن شاء الله محدث هيموت .

. مقلقش إزاي، وأنا اللي كنت فاكر إن في عصابة هي اللي
بتقتل العيال !

. حاول تهدى يا "فتحي"، ومتورنيش .

. أوترك ايه بس؟ كلنا هنموت !

. طب ركز معايا، علشان مموتكش أنا بنفسي، دلوقتي أنا
عايز أروح الكوخ بتاع عم "ميلاد"، ومش فاكر كان فين
بالضبط، تاني حاجة في مفتاح معاك، "فضيلة" كان سابهولك
قبل ما يموت، صح؟

"حافظ على المفتاح ده كويس، هتحتاجه في يوم من
الأيام ."

أجاب "فتحي" مُندهشاً:

. آه، صح !

. طيب أنا عايز المفتاح ده .

صمت "فتحي" قليلا ثم قال:

. بالنسبة لكون عم "ميلاد" قريب مش بعيد، لكن المفتاح
حاليا مش معايا، سايبه في بيتنا اللي في كفر فقر .

. أمال البيت اللي في 100 عبيط ده يطلع إيه ؟

. ده بيت العيلة، لكن بيت أهلي أنا في كفر فقر، زمانهم هناك دلوقت، حضرو لنا العشى ومشيوا، انت عايز المفتاح ليه صحيح ؟

. روح هاته، ولما ترجع هعرفك كل حاجة .

. حاضر، على العموم الكوخ بتاع عم "ميلاد" هناك أهلو، خلص اللي هتعمله، وارجع استناني عند بيت "فضيلة"، هجيب المفتاح اللي انت عايزه وأجيلك .

قالها "فتحي"، والتفت مُسرعاً، يهرول في اتجاه آخر .

وقف "عماد" أمام الكوخ، يتذكر اللقاء الأول، بينه وبين "فضيلة"، لا يدرى هل كان أحمقًا، عندما تخيل أن لقاءه الأول بـ"فضيلة" وـ"ميلاد" كان دعاية، أم أن الغباء ما يفعله الآن ؟

اقترب "عماد" من باب الكوخ، نظر حوله ليتأكد أن لا أحد يراه، ثم دفع الباب بكلتا يديه، ودخل .

مرت الإحدى عشر يوماً بعد العام، في تلك الأحيان، كان الملك قد انتهى، من بناء الهرم، لـ "كا - رع" ، وأصبح على استعداد للموت ، جمع "كا - رع" في مقبرته، كل علوم وفنون السحر الفرعوني، إيماناً منه، بأنه يوماً ما سيعود للحياة، وعندما يعود سيكون لديه كل ما يحتاجه داخل مقبرته.

جاء اليوم الموعود ، كان " كا - رع " على أتم الاستعداد للموت ، بعدما انتهى من تجهيز المقبرة، أطلق الكثير من اللعنات عليها حتى تحميها من اللصوص ، كما جمع الآلاف من الرصد ، لحماية المقبرة بعد وفاته ، بعدها ، تمدد على سرير حجري بغرفة التحنط بالمقبرة " الهرم المقلوب " ، ألقى التحية على الملك يودعه ، ثم أخرج زجاجة صغيرة بها بعض السم ، ارتشف منها بعض قطرات ثم أغلق عينيه ، ونام إلى الأبد .

. وبذلك أكون أنا المسؤول عن حراسة هذه المقبرة في الوقت الحالي .

قالها " ساروويل " ثم نظر إلى " فضيلة " ، ليجد علامات الصدمة والحيرة على وجهه ، ما لبث أن قطع هذا الصمت ، دخول " علي المارد " من باب المقبرة ، ليختفي " ساروويل " من أمام " فضيلة " على الفور ، ويعود " فضيلة " إلى عالمه الطبيعي .

انحنى " علي المارد " على أذن " فضيلة " ليخبره أن الحرب بينهم وبين الرصد ، توشك على الانتهاء ولكن صالح الرصد ، وأن القوة التي أمنت بها المقبرة ، قوة أكبر من أن يواجهها " علي المارد " أو أي جماعة من جماعات الجن الأخرى ، فالرصد مُنظمون للغاية ، ويحاربون ببسالة ، لن يتركوا المقبرة إلا أمواتاً .

سمع "فضيلة"، كلمات "علي المارد" ما لبس أن أخبر، كل الرجال الموجودين بالمقبرة، بضرورة الخروج منها في الحال، أشرف "فضيلة" على خروج جميع الرجال، وفي طريقه للخروج من المقبرة، سقطت عيناه على بعض الأوراق، أوراق كُتبت بلون الدم عليها بعض النقوش والزخارف.

نظر "فضيلة"، إلى الفجوة التي سيخرج منها، ثم نظر مرة أخرى إلى الأوراق، لم يستطع أن يقتل فضوله، على معرفة ما تحفيه تلك الأوراق .

أخذ "فضيلة" تلك الأوراق، وأخفاها داخل الجلباب، وخرج من المقبرة سريعاً، والتي سرعان ما اهتزت، وغاصت في باطن الأرض قليلاً، ليكتشف "فضيلة" بعدها، أنّ وجود تلك الأوراق معه، هو أكبر خطأ ارتكبه في حياته .

داخل الكوخ يوجد حصيرة على الأرض "سجاده من الخوص" كما يوجد بعض الوسائل التي رصّت حول تلك الحصيرة، يوجد منضدة وضع عليها موقد صغير، وبراد شاي، التراب يغطي كافة المكان ..

وقف "عماد" يستكشف المكان، لا يدرى من أين يبدأ، انحنى "عماد" على الأرض، وبدأ في البحث .

بدأ "عماد" بالبحث أسفل الحصيرة، لكنه لم يجد شيئاً،
بعدها بحث بين الوسائل لكنه أيضاً لم يجد شيئاً، اتجه "عماد"
نحو المنضدة وعاد للبحث مرة أخرى، وبينما هو مُنهمل في
بحثه، شعر "عماد" بهواء ساخن يصطدم بقفاه، التفت "عماد"
لمصدر الهواء لكنه لم يجد شيئاً، عاد مرة أخرى لمعاودة
البحث، بعدها شعر "عماد" بالهواء يصطدم في أذنه اليسرى،
التفت "عماد" لمصدر الهواء ثانية لكنه لم يجد شيئاً، في تلك
اللحظة شعر بالهواء في أذنه اليمنى ليلتفت سريعاً لمصدر
الهواء، ليجد ذلك الشخص، ينظر إليه وعلى وجهه ابتسامة
بلهاء، ما لبث أن قال:

. هاه، لقيته؟

تمدد بعدها الرجل في الهواء، حتى انحنى قامته، على
سقف الكوخ، صرخ "عماد" من هول المفاجأة، وانطلق يجري
في اتجاه الباب .

أمسك "عماد" الباب بكلتي يديه محاولاً فتحه، لكن الباب
لم يستجب له، نظر "عماد" خلفه وهو يحاول سحب الباب
بعنف، ليجد أن الرجل لم يعد موجوداً، التفت "عماد" إلى
الباب مرة أخرى وبدأ في جذب الباب بهستيريا ولكن الباب لم
يستجب، نظر "عماد" بجانبه ليجد الرجل ينظر إليه وعلى
وجهه نفس الابتسامة قائلاً:

. مش هيفتح، عارف ليه؟! علشان أنا زانقه برجلي .

أشار الرجل على قدمه، فنظر "عماد" ليجد أن الرجل بالفعل يمنع حركة الباب، رجع "عماد" خطوتين إلى الخلف صارخًا، سقط بعدها على الأرض، ونظر للرجل الذي ازدادت ابتسامته اتساعًا، صرخ "عماد" أكثر من مرة، بينما ظل الرجل مبتسمًا .

دقائق مرت على "عماد" لا يدري ماذا يفعل، بدأ "عماد" في تجميع ما تبقى من أنفاسه وبدأ في تحصص الرجل للمرة الأولى .

شاب في الثلاثين من العمر قمحى اللون، يرتدي جلباباً أزرق، ولديه شارب طويل مسحوب من الجانيين لأسفل، صمت "عماد" قليلا ثم قال:

. انت مين يا عم انت، وطلعتلي منين؟

أجاب الرجل مندهشاً:

. مش معقوله معرفتنيش، أنا "علي".." علي المارد"، أمال

مین اللي كان بينام جنبك كل يوم؟

. يا فتاح يا عليم، يا رزاق يا كريم، الواحد مش عارف يفرح إنه عرف مين اللي كان بينام جنبه، ولا يزععل، إنه طلع عفريت!

أشار "علي المارد" بالنفي لـ"عماد" قائلاً:

. لا يا باشا، أنا مارد، مش عفريت !

ليجيب "عماد" منفعلا:

. وتفرق في إيه إن شاء الله، مش كلّكوا فصيلة واحدة "

جن"؟

. تفرق كتير، المارد ده بيقى حجمه كبير، لكن العفريت ده

بيقى صغير، ده غير إن .. بقولك إيه

سيبك من الكلام ده، انت بتعمل إيه هنا ؟

أجاب "عماد" ببساطة:

. في مفتاح عم "فضيلة" كان سايبه لعم "ميلاد"، المفروض إن عم "ميلاد" كان سايبه هنا في الكوخ ده، وكانت وصيته قبل ما يموت إن محدش يهد الكوخ بتاعه، علشان يفضل مكان المفتاح معروف .

. يا راجل، طب ما تقول كده من الأول !

. ده على أساس إني أعرفك، دانا أول مرة أشوفك حالاً،

بعدين إنت ماشي حافي ليه ؟

. نسيت الشبشب في البيت !

. تصدق أقنعني، المفروض أعمل إيه دلوقت علشان ألاقي

المفتاح ؟

. ولا أي حاجة، هتحرف مكان ما انت قاعد بالضبط، أية
هنا .

قالها "علي المارد" في حين بدأ "عماد" بالحفر .

. هتلacci علبة معدن، أية بالضبط هي دي .

نظر "عماد" إلى العلبة، غير مصدقًا نفسه، ليكمل "علي المارد":

. هتلacci فيها المفتاح، أية بالضبط هو ده .

ليقول "عماد" مبتسما:

. تصدق انت عفريت بجد يا أستاذ "علي"!

فيجيب "علي المارد" باستثناء:

. مارد، مش عفريت .

الفصل السادس : اللعنة

عاد "فتحي" إلى بيت "فضيلة" مسرعاً، أخرج هاتفه المحمول وبدأ في الاتصال بـ"عماد"، والذي سرعان ما أجاب عليه:

. ألو، أيوة يا "عماد"، أنا جبت المفتاح .

. طب كويس جداً، أنا كمان لقيت المفتاح الثاني .

. هايل، انت فين دلوقت ؟

قالها "فتحي" وهو يفتح باب المنزل، ليجد "عماد" جالساً أمامه على كرسي ينظر إليه، فيسمع صوته مرتان، مرة من "عماد" نفسه، ومرة من صوته الذي يأتيه من هاتفه المحمول .

. أنا قدامك أهـو !

قالها "عماد" ليغلق "فتحي" الهاتف المحمول، ويكمـل حديثـه مع "عماد" قائلاً:

. انت دخلت هنا ازاي، مين اللي فتحـلك الـباب ؟

• هو اللي دخلني !

أشار "عماد" في مكانٍ ما نحو "علي المارد" ، نظر "فتحي" ، فلم ير شيئاً.

• مين ده اللي دخلك ؟!

• العفريت صاحب جدك "فضيلة" !

أشار "علي المارد" " نحو "عماد" بالنفي قائلاً:

• مارد مش عفريت .

ليجيب "عماد" بابتسامة ساذجة:

• مش فارقة كتير .

أكمل "فتحي" حديثه بجزع:

• انت بقت مخاوي انت كمان يا "عماد" ؟

ليجيب "عماد" حائراً:

• مخاوي ؟ والله يا "فتحي" مش عارف، على العموم، خلينا

في موضوعنا، فين المفتاح ؟

قالها "عماد" وفتح يده استعداداً لأخذ المفتاح، وضعه "فتحي" في يد "عماد" قائلاً:

• مقولتليش بقى المفتاح ده بتاع إيه ؟

أجاب "عماد" بشقة:

. هتعرف حالاً !

خرج "فضيلة" من المقبرة مسرعاً بعدما تأكد من خروج جميع الأشخاص منها، طلب من "على المارد" أن يخفي الأوراق التي بحوزته لحين طلبها منه مرة ثانية .

اهتزاز الأرض وابتلاعها للمقبرة، أبعد رجال الشرطة وأهالي القرية بعيداً عدة مترات من أجل الحفاظ على سلامتهم ، وقف "فضيلة" ينفض الرمال من على جلبابه، وحينما انتهى وجد عشرات الوجوه التي تنظر إليه، تحاول العثور على تفسير لما حصل .

طلب "فضيلة" من "شمس" قائد الشرطة في ذلك الوقت، أن يجمع معه هو وكبار البلد ليشرح لهم ما حدث في اجتماع مغلق .

كان شمس في ذلك الوقت شاباً قد تجاوز الثلاثين من العمر. شاب قاهري أرسل إلى كفر فقر ليقوم بتأمينها وحمايتها هي وبعض القرى المحيطة بها، أبيض البشرة، عيناه حضراوتان، مفتول العضلات .

بعد ساعات معدودة كان "فضيلة" مجتمعًا بهم ومعه "ميلاد" في منزله وبدأ في شرح القصة، وحينما انتهى، صاح "شمس" قائلاً:

. المطلوب مني إني أصدق الكلام ده، عايزني أكتب في التقرير، إن وفاة ظابط واختفاء جثة 100 شخص، نتيجة مقبرة فرعونية ملعونة، عايزني أنهى حياتي الوظيفية يايدى؟ عايزني أبقى أضحوكة وسط زمايلى، على آخر الزمن المفروض إني أصدق واحد نصاب ومشعوذ زيك؟

ابتسم "فضيلة" ثم قال بهدوء:

. وجودك دلوقتي هنا مالوش غير تفسير واحد بس، إنك مؤمن بوجود قوة أكبر مني ومنك، وإلا مكونتش طلت مني أساعدك في دخول المقبرة من الأساس !

قاطعه "شمس" متذمراً:

. أولاً أنا مطلبتش مساعدتك علشان أنا مؤمن بيك ولا بالخرافات اللي بتنشرها بين الناس، بيك أو من غيرك أنا كنت هدخل المقبرة، وإذا كنت طلت مساعدتك فبناء على رغبات الناس اللي كانت موجودة، وعلشان اهدى من حدة الموقف، ومستخدمش القوة لتفريق الأهالى !

نظر "فضيلة" إلى الصابط ثم نظر إلى الرجال الموجودين بالغرفة، والذين التزموا الصمت، ثم أكمل "فضيلة" والابتسامة لا تفارق شفتيه:

. جميل، تحب اثتلوك كلامي ازاي؟

صمت الضابط قليلا، ثم نظر إلى "فضيلة" بتحدي:

. الموضوع بسيط، مش بتقول إن اللي بيحمي المقبرة من الجن، وانك عندك القدرة في التعامل معهم، أنا مش مصدقك، في مثل أجنبي بيقول (صدق نصف ما ترى ولا شيء مما تسمع) يمكن لو شوفت أصدقك !

ضحك "فضيلة" بسخرية:

. عايز ت Shawf جن؟ بسيطة !

أشار "فضيلة" إلى الجدار الموجود خلفه مُرددًا بضع كلمات غير مفهومة، لحظات مرت دون حدوث أي شيء، مالبث أنْ قاطعه الضابط قائلاً:

. عرفت انك نصاب؟ الكلام ده تصحك بيه على الغلابة من أهل البلد لكن متضحكس بيه عليا، عيب اللي انت بتعمله ده إحنا ناس مُتعلمين، أنا هطلع حالا من هنا، هكلم هيئة الآثار، تيجي ت Shawf شغلها !

أغمض "فضيلة" عينيه، ثم قال بشقة:

. دلوقتي.

كان المشهد كالتالي:

الرجال يجلسون في ترقب، يصنعون نصف دائرة حول "فضيلة"، في المنتصف يصعد جسم ما غريب من باطن

الأرض، يتشكل الجسم مُتَحَدّاً شَكْلَ عَنْزَةٍ صَغِيرَةٍ، تجري في اتجاه "فضيلة" ثم تعبر من خلاله، وتكمِّل حتى تصل إلى الجدار تتسلقه، تنظر إلى الرجال بالغرفة، عيناه حمراوتان يتطاير منها الشرر، تصدر صرخة وكأنها تعذب، ثم تغوص مرة أخرى داخل الجدار.

لحظات من الصمت مرت، لا أحد يتحرك من الرجال، كل منهم يكتم أنفاسه غير مصدق لما يرى، يبتسم الضابط للمرة الأولى محاولا التماسك ثم يقطع الصمت قائلا:

ـ خدعة حلوة، مش هسائلك عملتها ازاي، بس ده مش هيغير أي حاجة .

يقطّع الضابط رجل في الثلاثين من عمره كان يجلس بجواره قائلا:

ـ انت هتتعينا ليه معاك؟ المقبرة دي مش هتفتح وحتى لو حاولت تفتحها، أهل البلد كلها هتموت، وأولهم انت !

ليقطّعه الضابط بحزم:

ـ انت مين علشان تتكلّم معايا بالشكل ده ؟

ليجيب الرجل بشقة:

ـ أنا "علي" !

ـ "علي" مين ؟

تمدد جسد الرجل حتى لامس سقف الغرفة فائلاً بحبور:
. "علي المارد" !

صاحب كل من بالغرفة في وقت واحد، مرددين كلماتٍ مثل:
"الله أكبر" .. "أعوذ بالله من الشيطان الرجيم" ..
تقلص حجم "علي المارد"، وعاود "فضيلة" كلامه:
. ركزوا معايا، الموضوع أكبر مننا كلنا، وزى ما قال "علي":
أي حد هيحاول يفتح المقبرة، يبقى كتب علينا كلنا الموت.
نظر الرجال مرة أخرى نحو "علي المارد"، ليجدوا أنه
اختفى، قاطعه الضابط قائلاً:

. والعمل دلوقت ؟!
أجاب "فضيلة" بوضوح:

. اللي حصل النهاردة لازم يفضل سر بينا، أنا جمعتكوا
علشان عارف إن انتوا أكتر ناس هتقدر تساعدني، لازم المقبرة
دي تفضل مقولة ..

أشار "فضيلة" إلى جميع الرجال الموجودين قائلاً:

. كل واحد فيكوا يقدر يقنع أهله إنهم يفضلوا بعيد عن
المقبرة، ويتناسوا اللي حصل.

ثم أشار للضابط بشبات:

• بالنسبة ليك، انت أكثر واحد تقدر تقفل على الموضوع، حياتك وحياة البلد دي واقفة على التقرير اللي هتسلمه، لو كتبت فيه إن مفيش مقبرة، والمفروض إن حالياً مفيش مقبرة، هتتقذننا كلنا، لو كتبت إن في مقبرة، يبقى حكمت علينا كلنا بالإعدام !!

تساءل الضابط مُحترًا:

• بفرض اني كتبت إن البلاع كاذب، الضابط اللي مات هجيبيه منين ؟ !

أجاب "فضيلة" ببساطة:

• الضابط مات فعلاً، بس مش في المقبرة، بالنسبة للجثة بتاعتته، أي جثة مشوهة هتفيد بالغرض، اعتبره عرق في الترعة وهو رايح يعاين الموقع، لو عايزنا نولع في بيت ونجيبلك جثة محروقة، هنولع، وأنا واثق إنك هتعرف تتصرف.

أضاف "فضيلة":

• العساكر اللي عندك مش هتكلم، وحتى لو اتكلمت، مش هييفي أكثر من خرافه بتنضاف لخرافات تانية كتير، زي النداهة وأبو رجل مسلوحة، انت ناسي إن انتوا مُتعلمين، وإن مفيش في تقارير الشرطة حاجة اسمها جن ؟

ما هي إلا أيام، وبمساعدة "شمس" ضابط الشرطة حتى أصبحت مقبرة "الـ 100 عبيط" مجرد خرافه جديدة منتشرة بين أهالي القرية والقرى المحيطة، ولكن القصة لم تنته !!

دخل "عماد" إلى مكتب "فضيلة" للمرة الثانية وبدأ في تفحص المكتبة وبجانبه "فتحي"، بدأ "عماد" في قراءة أسماء الكتب مشيراً بأصبعه عليها حتى وصل إلى كتاب بعنوان "الإعجاز المبين في جلب القرین"، سحب "عماد" الكتاب من على الرف محدثاً "فتحي":

· عرفت ليه البلد دي مبتموتش؟ تلاقي عم "فضيلة" استخدم الكتاب ده قبل ما يموت !

ليسارع "فتحي" بالسؤال:

· هتعمل إيه بالكتاب ده ؟!

فيجيب "عماد" ضاحكاً:

· ولا حاجة، "فضيلة" كان عنده باب سري بيدخله لأوضه تانية، المفروض لما تشوف مكتبة بعد كده تعرف إن وراها باب، ده بقى أمر بدبيهي بالنسبة لي.

سحب "عماد" المقبرض الموجود أسفل الكتاب، فتحركت المكتبة بالجدار الموجود خلفها، وانفتح الباب ليزيد من دهشة "فتحي" متسائلاً:

· عرفت منين الكلام ده ؟

ليجيب "عماد" متباهاً:

· هيكون منين؟ "فضيلة" هو اللي عرفني !

حينما هدأت الأمور في البلد، طلب "فضيلة" من "علي المارد" أن يعطيه الأوراق التي أخذها من المقبرة قبل خروجه منها .

جلس "فضيلة" - الشاب - على سريره في غرفته، واضعا الأوراق أمامه وبدأ يتفحصها . أوراق من البردي كُتبت بالمداد الأحمر ((حبر فرعوني يستخدم في الكتابات الهاامة)). تحتوي على كثير من أسرار السحر الفرعوني، سرت رعشة خفيفة في جسد "فضيلة" حينما استشعر قوة الأوراق التي أمامه، ماذا سيحدث لو وقعت تلك الأوراق بين يدي الشخص الخطأ؟

ظهر "علي المارد" من جانب الغرفة، واقترب من "فضيلة"

مُحدثاً إياه:

. السحر الفرعوني، أقوى سحر عرفته البشرية على مر التاريخ، مفيش كاهن كان عنده القدرة إنه يدون السحر اللي اتعلمته على ورق! الكهنة خافوا إن قوة السحر دي تقع في إيد الشخص الغلط، تعاليم السحر كانت بتنقل شفوبي من شخص لشخص، يبدو إن المقبرة اللي إحنا دخلناها مش مقبرة ملك، مقبرة كاهن، ويبدو كمان إن ده أول كاهن في مصر الفرعونية يكون عنده الشجاعة إنه يدون السحر الفرعوني على ورق، الجميل في الموضوع إن الورق ده بين إيديك دلوقت، هتعمل إيه ؟

خرج "فضيلة" من البيت مسرعاً متوجهًا إلى "ميلاد" ليخبره بالأمر ، وجد "فضيلة" "ميلاد" أمام الكوخ يشرب الشاي متأملاً الزرع الأخضر أمامه، قطع "فضيلة" تأملاته معللاً إنه يريد في أمر هام .

داخل الكوخ، جلسا "فضيلة" و"ميلاد" سوياً، وبدأ "فضيلة" في إخباره عن سر الأوراق التي بين يديه ، اتسعت عينا "ميلاد" من هول المفاجأة، تردد قليلا، ثم سأله "فضيلة":

. هنعمل إيه بالورق ده ؟

أجاب "فضيلة" بلهفة:

. هنتعلم اللي فيها ، مش هسيب الفرصة دي تضيع مني ، قليل اللي اتعلموا السحر ده ، ومش موجودين دلوقتي ، دي فرصتنا !

تعلم "فضيلة" و"ميلاد" بمساعدة "علي المارد" السحر الفرعوني، وبدأت قوتهم تزداد يوما بعد يوم .

في تلك الأحيان، أدرك "فضيلة" أن سرقته لتلك الأوراق من المقبرة، قد أشعلت لعنة جديدة في البلدة، لم يستشعر أهالي البلدة تلك اللعنة، ولكن "فضيلة" كان على دراية بما يحدث من حوله.

بتعلم "فضيلة" و"ميلاد" للسحر الفرعوني، استطاعا سوياً السيطرة على اللعنة.

بعد مرور سنوات، توفي والد "فضيلة"، ورث بعدها "فضيلة" مجموعة كبيرة من الأراضي المجاورة، أقام عليها منزله الحالي، وبدأ في بناء بعض البيوت الأخرى.

أطلق "فضيلة" على تلك الأرضي اسم عزبة "ال 100 عبيط"، ليعيد إشعال الخرافة من جديد بين أهالي القرية والقرى المجاورة، كان هدف "فضيلة" من التسمية تذكير الناس بما حدث في الماضي، حتى لا يبحث أحد عن تلك المقبرة، وإن وجدها شخص ما عن الطريق الصدفة لا يدخلها.

وضع "فضيلة" الأوراق داخل خزنة بمفتاحين، بغرفة سرية خلف مكتبة داخل مكتبه، أعطى "فضيلة" مفتاحاً لـ"ميلاد"، وترك المفتاح الآخر معه، وتعاهدا هو وـ"ميلاد" على حفظ سر تلك الأوراق للأبد.

ازدادت قوّتاً "فضيلة" وـ"ميلاد" بزيادة تعلمهمما لأسرار السحر الفرعوني، وسيطر "فضيلة" بمساعدة "ميلاد" على اللعنة التي أصابت القرية، حتى اقتنعوا سوياً أنهما انتصرا على اللعنة وأنها انتهت للأبد!

بعد عدة سنوات مرض "ميلاد"، بعدها توفي، ليجد "فضيلة" نفسه وحيداً في مواجهة تلك اللعنة التي لم تمت،

وليجد نفسه مسؤولاً عن حماية أهل القرية خصوصاً نسل الرجال الذين دخلوا المقبرة من قبل .

استطاع "فضيلة" وحده أن يحافظ على أهل قريته من تلك اللعنة التي حررها عندما سرق تلك الأوراق، حاول أن ينهي اللعنة إلى الأبد، وبدأ في محاربة الرصد في كل مكان يوماً بعد يوم، ولكن بعد مرور عدة سنوات أخرى، أصاب المرض جسد "فضيلة"، وبدأ الإعياء يظهر عليه، وفي لحظة ما، فشل "فضيلة" في السيطرة، على اللعنة.

كان مرض "فضيلة" بمثابة إشارة ليبدأ الرصد في تلبية نداء اللعنة التي أطلقها "كا - رع" منذ آلاف السنين، وبدأوا في القضاء على كل من دخل المقبرة، وعلى عائلاتهم.

بدأ الرصد في قتل الأطفال أولاً، حتى يحرقوا قلوب آبائهم وأجدادهم، ثم سينتقلون إلى آبائهم بعدها إلى الأجداد وهكذا، حتى لا يتبقى منهم أحد .

قبل وفاة "فضيلة" بعده أيام أعطى مفتاح الخزنة التي يوجد بها الأوراق إلى "فتحي"، وطلب منه الاحتفاظ به:

"حافظ على المفتاح ده كويس، هتحتاجه في يوم من الأيام"

مات "فضيلة"، وبموته تحررت اللعنة للأبد

ولكن كان لدى "فضيلة" قبل وفاته، خطة أخرى، لم يكن
يدري هل ستنجح أم لا؟

أحضر "فضيلة" قرينه ومجموعة أخرى من قُرَناء الأموات
إلى عالمه لسياعدوه على تنفيذ خطته ..

كان "فضيلة" يحتاج إلى شخصٍ ما ليساعدُه على إتمام
الخطة، فلم يجد غير "عماد"، والذي سمع عنه من "فتحي"،
شاب في العشرينات، غير متزوج، من خارج القرية، لن تصيبه
اللعنة لو حاول مساعدته، بالإضافة إلى أنه لن يترك صديقه
"فتحي" يموت لو علم ما هو مُقبل عليه. وبالفعل، تغلغل قرين
"فضيلة" داخل أحلام "فتحي" و"عماد"، وبدأ في تهيئته الأمر،
ثم بدأ في الظهور هو وبقي القرناء أكثر من مرة لـ"فتحي"
وـ"عماد" وبدأ في تنفيذ الخطة وشرحها لـ"عماد"

الفصل السابع : المقبرة

دخل "عماد" الغرفة السرية وخلفه "فتحي"، وجد "عماد" زرًا عتيقاً بارزاً لمصباح عليه خيوط عنكبوت على يمين الداخل إلى الغرفة، أضاء المصباح، فارتعدت الإضاءة داخل الغرفة ثم استقرت لتنير المكان.

غرفة عتيقة الطراز، منضدة يستقر عليها مجموعة من الكتب المفتوحة والتي يغطيها التراب، شمعدان عليه 3 شمعات احترقت أنصافها ليتساقط الشمع حولها، مجموعة من الكراسي تحيط بالمنضدة، الغرفة باردة، بها أريكة على اليمين بجانبها منضدة صغيرة وضع عليها فازة بها بعض النباتات الذابلة، بعض اللوحات عُلقت على الجدار تحتوي على آيات قرآنية، أما بخصوص الجدار فرسمت عليه مجموعة من الرسومات والحرروف، على اليسار يوجد خزنة معدنية، اقترب "عماد" من الخزنة، ووضع بها المفتاحين، أدار المقبض، فانفتح باب الخزنة ليظهر أمام "عماد" أوراق البردي التي يبحث عنها .

تفحص "عماد" الأوراق ، ثم نظر اتجاه "فتحي" والذي وجده مشغولا ، باستكشاف المكان، فقال له :

. المفتاحين دول بتوع الخزنة، أنا لقيت الورق اللي بدور عليه .

تساءل "فتحي" محتارا:

. هنعمل إيه دلوقت ؟

أجاب "عماد" مبتسمًا:

. هاتلنا بقى العشا، وسبني شوية مع "علي" علشان أشوف هنعمل إيه ؟

نظر "فتحي" حوله باحثاً عن "علي المارد" ، فلم يجد شيئاً، تحدث "فتحي" إلى نفسه ضارباً كفًا بكتف قائلًا:

" لا حول ولا قوة إلا بالله !"

خرج بعدها من الغرفة وأغلق الباب وراءه .

نظر "عماد" في اتجاه "علي المارد" ليجده مُستلقياً على الأريكة واضعاً يديه خلف رأسه، واضعاً قدما فوق قدم، ينظر إلى سقف الغرفة، محرجاً إحدى قدميه، وهو يدندن:

. وفي عز ما بغني، بقول بصوت مجرور، مش هرروح .

. الله يخربتك! انت عفريت ولا تباع مكروباصل؟ وإيه
الشبشب البلاستيك اللي انت لابسه ده؟

نظر "علي المارد" إلى "عماد" وهو على نفس الوضعية ثم
قال:

. يعني هو حلال ليك، تحط الأغنية دي على تليفونك،
وحرام ليا إني أغنیها؟ وبعدين قلتلك ألف مرة، مارد مش
عفريت.

أجاب "عماد":

. يا "علي" يا حبيبي، انت ليه مصر تبوظ فكري عن الجن،
انت عارف إننا بنخاف منكوا، ده المفروض يعني!

. أخذت بالي، بتخافوا مننا ليه بقى؟

. بنخاف منكوا، علشان ضحکوا علينا واحنا صغيرين،
وقالولنا انکوا مُربعين، لكن بعد اللي شوفته منك ده، يوم ما
يطلعلي جنّ هعزمه على العشا!

. بخصوص العشا، أنا لسه متعشتش !

. طب رکز معايا، وهو لعلك عودين بخور، ولو غيرت
الشبشب اللي عمال تطرق بيده، ممكن انزل معاك على أي
قهوة، أطلبلك شيشة تفاح !

. لا أنا عايزة شيشة موز، أو لبان.

. هجيبلك اللي انت عايزه، بس ركز معايا، هنعمل إيه ؟

ظل "عماد" داخل غرفة "فضيلة" السرية بضعة أيام، وأشرف "فتحي" على خدمة "عماد" طوال هذه الفترة .

زادت حالات قتل واختفاء الأطفال بعزبة "الـ 100 عبيط" ، والقرى المحيطة بها ، ازداد الخوف لدى الأهالي، وبدأت تنتشر أسطورة المقبرة الملعون مرة أخرى ، أخبر "فتحي" "عماد" ب مجريات الأمور في الخارج، شعر "عماد" بالحزن لفقدان كل هذه الأرواح.

بعد عدة أيام، خرج "عماد" من الغرفة السرية، ثم أخبر "فتحي" بما ينوي فعله، سيذهب إلى المقبرة الفرعونية، ليعيد الأوراق التي أخذها "فضيلة" مرة أخرى، ويحاول أن يعقد صفقة مع الرصد لنتهي حالات القتل .

طلب "عماد" من "فتحي" ، أن يحضر له مجموعة من العمال، ليساعدوه على حفر الأرض، للدخول إلى المقبرة .

تحدث "فتحي" عن خوفه الشديد من العودة مرة أخرى إلى المقبرة، ثم سأله عن الضامن لعودته سالماً وانتهاء اللعنة، فقال : "عماد":

• مفيش ضمانات، هو ده الحل اللي قدرت أوصل له، ده
غير إنها كانت فكرة "فضيلة" قبل ما يموت ..

صمت "عماد" قليلاً ثم قال:

• انتوا كده كده ميتين، سيبني أجرب، يمكن أنجح!

هرّ "فتحي" رأسه دليلاً على الموافقة، ثم ذهب لتنفيذ
طلب "عماد".

أحضر "فتحي" مجموعة من العمالة مقابل المال، ليساعدوا
"عماد" على حفر الأرض والدخول إلى المقبرة.

ذهب "عماد" إلى موقع المقبرة، وتم تحديد مكان الحفر
بمساعدة "علي المارد" ..

وصل العمال إلى باب المقبرة الفرعونية بالفعل، ثم نظر
أحدهم إلى "عماد" رافعاً فأسه إلى الأعلى ليحطم الباب،
فأخبره "عماد" أن ينتظر .

نزل "عماد" إلى الحفرة، ضغط "عماد" بقدمه على قطعة
من الحجر فانفتح الباب، ثم أخبر العمال أن يبتعدوا عن باب
المقبرة؛ لأن الهواء الخارج منها قد يكون مسمماً، مثلما علم
"عماد" من قراءاته للتاريخ .

جلس "عماد" ومعه العمال أمام المقبرة في انتظار أن يتم
تجديد الهواء بداخل المقبرة ، بعد مرور يوم كامل، انتشر خبر

محاولات بعض الناس الدخول إلى المقبرة بين الأهالي كالنار في الهشيم ،

خرج العشرات من الأهالي، في محاولة لمنع المُتسللين إلى المقبرة الفرعونية إن وجدت، خوفاً على أرواحهم، مثلما حذرتهم الأسطورة .

وصل الخبر إلى قسم الشرطة، والذي بدوره أرسل فريقاً للسيطرة على الوضع، والقبض على لصوص المقابر الفرعونية من وجهة نظر الشرطة، إن وجدت مقبرة بالفعل .

علم "عماد" من "علي المارد" بما يحدث في الجانب الآخر من البلدة، واقتراب الأهالي والشرطة من موقع المقبرة..
فما كان من "عماد" إلا أن عاد مرة أخرى إلى الحفرة ثم دخل إلى المقبرة ومعه العمال .

بعد مرور وقت قصير كان الأهالي قد وصلوا إلى موقع المقبرة، ليجدوها مفتوحة بالفعل، استمع الأهالي إلى بعض أصوات الحديث التي تأتي من داخل المقبرة، نظر الأهالي إلى بعضهم البعض، فقال أحدهم:

. شكنا كده كان مضحوك علينا، طول الفترة اللي فاتت دي، في ناس جوة المقبرة .

ازدادت دهشة الأهالي حينما خرجت قطة سوداء من المقبرة، نظرت باتجاههم غير مبالية ثم عادت مرة أخرى إلى الداخل .

استدرك الرجل قائلاً:

. الأسطورة بتاعة المقبرة الفرعونية مش موجودة، في ناس جوة كلنا سامعين صوتهم، وقط.. كمان دخل وخرج عادي جدا، المقبرة طلعت موجودة فعلا، بس مفيش لعنة، في حد اكتشف المقبرة دي من زمان، وعمل القصة دي علشان يمنع أي حد انه يدخلها، أنا هدخل أشوف إيه اللي جوة؟

تسدل الرجل إلى داخل المقبرة تبعه بعض الأهالي، وانتظر البعض الآخر في الخارج، ما لبث أن خرج الرجل قائلاً باندهاش وحبور:

. مفيش لعنة ولا حاجة، لازم تشوفوا لقينا إيه!

كانت تلك الكلمات كافية ليتشجع من بقي من الرجال للدخول إلى المقبرة ، بعد عدة دقائق، وصل الفريق الخاص بالشرطة للمقبرة الفرعونية، ليجدوها مفتوحة، أصدر قائد الشرطة -ويدعى "ضياء"- أمراً بالدخول إلى المقبرة، للقبض على اللصوص متلبسين.

دخل "ضياء" إلى المقبرة، تبعه جنوده واحد تلو الآخر، بينما ظل البعض منهم لتأمين المقبرة من الخارج، والقبض على من يخرج منها.

بعد دخول مجموعة من رجال الشرطة، اهتزت المقبرة،
وانغلق الباب، ليزيد من دهشة بعض الرجال الذين كانوا على
وشك الدخول، ويترك الآخرون في حالة من الفوضى، لا يدركون
ماذا يجب عليهم أن يفعلوا !

في الداخل ..

وقف "عماد" ومن معه في اندهاش من عظمة الحضارة
الفرعونية، والإتقان في عمل التماثيل، والرسومات والنقوش ،
ازدادت دهشة "عماد" عندما وجد نفسه مُحاطاً بمجموعة
كبيرة من الأهالي، ورجال الشرطة الذين صاح قائدتهم، موجهاً
سلاحه نحو "عماد":

. كل واحد يسيب اللي في إيديه، وينام على بطنه، اللي
هيتحرك مش هفكر مرتين قبل ما اضربه بالنار .

بدأ الأهالي في تنفيذ الأمر، كل منهم ينظر إلى الآخر، لا
يدري ما يفعل، صاح أحدهم:

. احنا جايين نساعدك يا باشا ونقبض عليهم وكنا هنسلمهم
بنفسنا.

ليجيب "ضياء" - الضابط - بضيق:

· مش عايز أسمع ولا كلمة، كل واحد ينام على بطنه،
وإيديه لفوق .

ثم نظر إلى جنوده، قائلا بحزم:

· اللي يتحرك من مكانه، اضربوه بالنار.

قطع كلام الضابط مُوأء القطة، والتي اتجهت كل الأنظار
إليها، لتسحرك القطة غير مبالية بما يحدث، وتتجه لتقف أمام
"عماد"، وتببدأ في لعق إحدى يديها، لحظات من الصمت
مرّت، بعدها تحدث القط بلا مبالغة قائلا:

· أهلا بكم للمرة الثانية في أقل من مائة عام .

ليدب الفرع في أرجاء المقبرة، وعلى وجه الضابط
بالتحديد .

دارت القطة حول نفسها بضع دورات، وسرعان ما زادت
سرعة دورانها، لتحتفي القطة، ويبدأ جسد جديد في التشكّل ،
بعد لحظات بدأ الجسد في التشكّل على هيئة إنسان، شاب
في الثلاثينيات يرتدي جلباباً أسود، وسلسلة عُلقت بها تميمة
على شكل عين حورس.. نقوش ذهبية على ياقة الجلباب
والأكمام، عينان تم تكحيلهما بعنایة، يمسك بيده عصا خشبية
على شكل ثعبان بها جوهرتان حمراوتان، وضعتا مكان عيني
الثعبان .

تحدث الرجل مُعرفاً نفسه:

• "سارويل" بن "شيشان" الرصد المسؤول عن حراسة المقبرة منذآلاف السنين .

أشار الرجل بيده نحو "ضياء" وجنوده؛ لتسقط جميع الأسلحة التي يحملونها على الأرض ، رفع كلتى يديه إلى أعلى، ثم أشار نحو "عماد" ، لتهتز المقبرة وكأنها على وشك الانهيار ؛ نظر "عماد" إلى وجوه الرجال الموجودين في المقبرة، ليجدهم يتلقون واحد تلو الآخر على الأرض، وكأنهم في حالة من الغيبة الجماعية .

تحدث "سارويل" إلى "عماد" باستهانة:

• أنا أعلم عنك الكثير، وأعلم لمَ أنت هنا؟ وأعلم أن "ابن مداح" بالخارج.

قاطعه "عماد" ببلاغة:

• ابن مداح مين؟

ضحك "سارويل" ساخراً من "عماد":

• آخر ما تبقى من أبناء "مداح" . "علي المارد" ..
• قول وربنا ! أبوه اسمه مداح؟ أنا اعرف ان اسمه "علي المارد" ، معرفش اسم أبوه .

أكمل ساروبل كلامه:

. قبضنا عليه الآن في الخارج.

ثم أشار خلف "عماد"، ليجد "علي المارد" يجلس على الأرض وهو يبكي..

فوجه "عماد" كلامه محدثاً "علي المارد":

. أبوك اسمه مداح؟ أمال انت اسمك إيه؟

ليجيب "علي المارد" بقلق:

. سيبك من اسمي دلوقتي خليك في اللي احنا فيه.

. طب خلاص متعيطش، هما عملوا فيك إيه؟

. رشوني بملح.

. طب متخافش، وامسح دموعك، وحافظ على ما تبقى من صورة الجن في مخيتي.

أجاب "علي المارد" بحزن:

. أنا مش بعيط علشان أنا خايف، أنا بعيط علشان الملح

دخل عيني:

نظر "عماد" إلى "ساروبل" باستياء:

. بُص يا باشا، "علي المارد" ده أنا معروفوش، ولو عايزين تاخدوه، خدوه.

قاطع "علي المارد" كلام "عماد" بجزع قائلاً:

• بتبيعني يا "عماد"؟

ليصيح "ساروبل" غاضباً:

• هدوووء .

ثم أكمل كلامه محدثاً "عماد":

• كان بإمكاني قتلك، منذ لحظة وصولك للقرية، هل تذكرني الآن، لقد قابلتك في الأرض الزراعية؟

أجاب "عماد" متذمراً:

• القطة السودة؟ وأنا اللي كنت ناوي أغطيك من البرد، وأديلك أكل، صدق اللي قال: "خيرا تعمل، شرا تلقى"

• أكل.. وبزدا! لقد تركتكم يا صديقي؛ لأنني علمت أنك من سيحضر لي الأوراق من البداية، لقد أخفى "فضيلة" الأوراق في مكان لم نستطع دخوله، استخدم تعويذة غبية لإخفائه، ييدوا أنه كتبها على جدران المكان الذي أخفى الأوراق به، يوم وفاته حاولت البحث عن الأوراق في غرفته لم أجدها، ييدوا أن صديقك استيقظ وقتها فأسرعت بالرحيل، والآن أعط لي ما أوتمنت على حراسته .

أخرج "عماد" الأوراق من جيب معطفه، نظر حوله، ثم انقض على شعلة من النار، أحضرها أحد العمال، لتضيء المكان، وقال له:

. بُص يا معلم.. هاخد منك وعد، إننا نخرج من هنا سالمين واللعنة تنتهي، مش هحرق الورق، ما أخذتش منك الوعد، هولع في الورق وفي المقبرة كلها.

ضحك "سارويل" حتى اهتزت المقبرة، وتساقط التراب من سقفها، ثم وجه كلامه لـ"عماد" قائلاً:

. يجب أن تدرك يا صديقي، حجم الخطر الذي تتعامل معه.

نفخ "سارويل" من مكانه في اتجاه "عماد"، فانطفأت الشعلة، وكأنها لم تكن مشتعلة أصلاً، ثم أكمل كلامه قائلاً:

. دعني أعرفك أكثر على المقبرة ..

حينما بنيت تلك المقبرة منذآلاف السنين، تم إطلاق مجموعة كبيرة من اللعنات وعمل الكثير من الأفحاخ، كل منها كان له دور في حمايتها بشكل ما ..

حينما ظهرت المقبرة لعائلة "سيد"، لم يكن خطأ أو سهوًّا، تلك المرة لم تكن الأولى من باب العلم بالشيء، فالمقبرة تظهر على فترات متقاربة، تأخذ بعض الأرواح لأناس حالمين

بدخولها، ثم تعود مرة أخرى لباطن الأرض، فتحافظ بذلك على ذاتها، وتحافظ على ما بها من أسرار، وتظل مقبرة "كا - رع" أقوى مقبرة في تاريخ مصر الفرعونية، بعيدة عن أحلام لصوص المقابر، بعيدة عن المُتطفلين والعاشين.

فتصبح المقبرة موتاً مُحققاً لمن يجدها، وتصبح المقبرة الاختيار الأخير للعاشين وللصوص الذين يعلمون مكانها..

نظر "سارويل" إلى "فتحي" الذي مازال في الغيبة قائلاً:

ـ دخل "فضيلة" المقبرة الفرعونية منذ سنين، وخرج سالما هو ومن معه، لكنه ارتكب الخطأ الذي لولاه لكان روحه وأروح من معه سالمة!

وأشار "سارويل" للأوراق التي بيد "عماد" قائلاً :

ـ سرق "فضيلة" تلك الأوراق وأخفاها في مكان بعيد عن أعيننا، أدرك أن "فضيلة" من أعظم الرجال الذين دخلوا المقبرة، استطاع الحفاظ على أرواح عائلته وعائلات من دخلوا معه إلى المقبرة، ولكنه الآن غير موجود .

نظر "سارويل" إلى "عماد" ثم قال بانتصار:

ـ بدونك لم أكن لأستطيع الحصول على تلك الأوراق مرة أخرى.

أستطيع التغاضي عما حدث خصوصاً أن الأوراق قد عادت إلي، ولكن لن أستطيع منع نفسي من قتل كل من في المقبرة الآن، لم أكن جشعًا أكتفيت بـ 100 شخص، وأغلقت باب المقبرة، هم بالنسبة لي "100 عبيط" لا أكثر ولا أقل، يمكنني أن أتركك تذهب حتى تشعل الأسطورة من جديد، بل أكثر من ذلك، سأعطيك خمس دقائق، لتأخذ كل من تستطيع حمله إلى الخارج، أعتقد أن خمس دقائق كافية، لحمل صديقك "فتحي" إلى الخارج، ما رأيك؟ سأعطيك الوعد الذي تريده، فقط خمس دقائق .

أنهى "سارويل" كلامه وازدادت ابتسامته، ليُفاجأ بـ "عماد" يضحك، سرعان ما صمت، ثم نظر إلى عين "سارويل" بتحدي قائلاً:

• خمس دقائق كافية أكيد.

قبل بضعة أيام، في الغرفة السرية بمنزل "فضيلة" ..

يجلس "عماد" على كرسي أمام المنضدة بعدما أزال منْ
عليهما التراب وأمامه "علي المارد"

تحدث "عماد" إلى "علي المارد"، وهو يقلب الأوراق بين

يديه:

. مش فاهم أي حاجة! جداول عاملة زي جداول الإحصاء، رسومات ونقوش جوة الجداول، وكلام مش مفهوم، قلتلي هتفهم من الكتاب ده مفهمتش حاجة .

وأشار نحو كتاب أمامه، ثم أكمل:

. الجدول شبه الجدول فعلاً بس النقوش مختلفه .

أضاف "عماد" معللاً:

. يا "علي" يا حبيبي أنا لا فاهم الحروف اللي في الكتاب، ولا فاهم النقوش اللي في الورق، بعدين الجدول اللي في الورق ده زايد عليه حاجات مش في الكتاب !

قال "علي المارد" بهدوء:

. طيب قوم هاتلي ولعة ورصلني حجر جديد، وأنا هفهمك..

. ولعة، وحجر جديد؟ هتشل! انت فاكر نفسك قاعد مع فهوجي؟ يا "علي" ركز معايا، أنا ابن ناس وربنا، خليتنى اشتريلك شيشة وقلت ماشي، لففتني البلد حته حشنان اجيلك معسل موز ملقيتش، جبتلك تفاح مش عاجبك، علمتني أرض المعسل وانا عمري في حياتي ما كنت أتخيل اني عمل كده، بقالك ساعتين بتسيش، ولا بس نفس الشبشب البلاستيك، حرام عليك يا أخي ارحمني .

. طب خلاص اهدى .

. بتعمل إيه ؟

. هولع سيجارة علشان اركز معاك .

قالها " علي المارد " وهو يشعل السجارة، ليقول
" عماد " :

. انت مش شارب عشرين حجر معسل دلوقي ؟ صحتك
ياعم !

. صحة إيه، انت بتكلم ابن أختك ؟ أنا خلصت غدا وده
الحلو بتاعي، بعدين ده أكل بالنسبة لي مش شرب !

. طيب علشان متتخنس أكتر من كده، اطفي السجارة أبوس
ايدك خنقتني !

. طيب خلاص هطفيها، عايزة إيه ؟

. عايزة أفهم، إيه اللي مكتوب هنا ؟

نظر " علي المارد " إلى الجداول ثم قال:

. بُص يا سيدى، الجداول دي ليها تأثير سيء على الجن .

قاطعه " عماد " قائلا بضيق:

. عرفنا إن ليها تأثير سيء على الزفت، بتشتغل إزاي بقى ؟

أجاب " علي " بنفاذ صبر:

• عن طريق بعض الكلمات اللي بترددها، الجداول اللي في الورق دي، في شبهها بالعربي، عندك في الكتاب، ولكن النسخة العربي دي، تأثيرها أضعف على الجن، اللي مكتوب بخط إيد "فضيلة" في الكتاب ده النطق العربي للكلمات الفرعونية، هتحاول تحفظهم، والجداول اللي في ورق البردي دي هترسمها على الأرض لما تبدأ تقول الكلام ده، فهمت حاجة؟

• يعني انت بقالك يومين عمال تدل فيها علشان تقولي الكلمتين دول، ما كنت تقول كده من الأول.

قاطعه "علي المارد" موضحا:

• طيب آخر حاجة متنساش تقول اسم "سارويل ابن شيشان" مكان الفراغ ده علشان تخصه هو بالسحر ده.

تساءل "عماد" بقلق:

• تفتكر هننجح؟

ليجيب "علي المارد":

• مهمما عملت بالورق ده مش هتعرف تقتله، بس هتعرف تشتبه شوية، لو حصل حاجة!

عودة للمقبرة مرة أخرى ..

نظر "عماد" إلى الرجال من حوله، ثم نظر مرة أخرى إلى "سارويل"، وضع الأوراق التي بين يديه على الأرض، ثم بدأ "عماد" في تذكر الكلمات التي حفظها عن ظهر قلب، صمت "عماد" قليلا ثم بدأ في الاسترداد.

تفاجأ "سارويل" من ثبات "عماد"، والفح الذي وضع نفسه فيه، أغلق "عماد" عينيه وبدأ في ترديد الكلمات بكل ما أوتي من قوة، ثم فتح عينيه ونظر حوله ليجد أن الوضع مازال كما هو، قاطعه "علي" من خلفه قائلا:

ـ قول اسمه مكان الفراغ اللي قلتلك عليه، هتودينا في داهيه .

عاد "عماد" مرة أخرى في ترديد الكلمات قائلا اسم "سارويل ابن شيشان" مضيما وأتبعه بقوة كبير، تفاجأ "عماد" بصراخ "سارويل" الذي هز المكان، انقض "عماد" على الأرض، يرسم النقوش التي حفظها مستكملا ما بدأه من استرداد للكلمات التي حفظها، نظر إلى "سارويل" ليجده يتربص ويعد بضع خطوات إلى الخلف .

انكمش جسده وتحول إلى ثعبان، تمايل أكثر من مرة وكأنه سكران، نظر في اتجاه الأرض، ثم اصطدم برأسه بها ليغوص بداخلها، تبعه جسده ثم الذيل .

في تلك اللحظة بدأ الرجال في الإفاقه، كل منهم ينظر إلى الآخر لا يدري ما يحدث، علم "فضيلة" فيما بعد، أن سحر "سارويل" وضع كلاً منهم أمام مخاوفه، وأن كلاً منهم كان يواجه كابوساً مختلفاً عن الآخر.

صاحب "عماد" بخوف:

بسريعة.. أخرجوا من المقبرة بسرعة، أو على حد فيكم يأخذ حاجة معااه.

أسرع "عماد" نحو باب المقبرة، يحاول فتحه، سرعان ما استجاب له، خرج الرجال من المقبرة، تبعهم "عماد" بعدما نظر نظرةأخيرة على المقبرة، والأوراق الملقة بداخلها ..

خرج ليتفاجأ بنور الشمس، فأغمض إحدى عينيه ووضع يده اليسرى على جبهته، ليحجب الضوء الذي يؤذى عينيه.

نظر "عماد" ليجد نفسه محاطاً بمجموعة من رجال الشرطة الذين ظلوا في الخارج، ليصبح الضابط "ضياء" المسؤول عن متابعة البلاع بخصوص المقبرة الفرعونية:

. سيبوه، أنا عايزة .

التفت "عماد" إلى "ضياء" ليجده ملقى على الأرض بجانبه، بعض رجال الشرطة والأهالي الذين كانوا بالداخل معه

بعض من رجال الشرطة الآخرين يصنعون نصف دائرة
موجهين أسلحتهم على الجميع ..

تحدث "ضياء" متساءلاً بحيرة:

• عايز أفهم إيه اللي حصل جوة دلوقتي، حالا !

قال "عماد" مُنتصراً:

• هتفهم يا باشا .

الفصل الثامن : النهاية

بعد مرور أيام، بدأت الأمور تهدأ في البلدة، وعادت الحياة لطبيعتها أكثر مما كانت، اختفت حالات قتل الأطفال، وبمساعدة الضابط "ضياء" استطاع "عماد" أن ينهي الأمر كما أنه "فضيلة" مع الضابط "شمس" في المرة الأولى، وكان التاريخ يعيد نفسه، ولكن هذه المرة لا توجد لعنة خفية تحيط بأهل البلد .

شعر "عماد" بالسعادة والرضا لإنتهاء تلك اللعنة، وقرر أن يظل في العزبة بضعة أيام، حتى يطمئن على أحوالها، كما أنّ جو القرية الهدى بدأ يساعد على الاسترخاء.

أراد "عماد" أن يلقي نظرة أخيرة على كل جزء من أجزاء القرية، قبل الرحيل ، ذهب "عماد" إلى كوخ "ميلاد"، وجلس أمامه يشرب الشاي الذي لم يشربه في المرة الأولى عندما حضر إلى القرية

تجول في الأرض الزراعية وبصحبته "فتحى"، حتى وصل للترعه التي جلس أمامها هو و "حسن" فيما سبق، ابتسم "عماد" ثمقرأ الفاتحة لـ"حسن" و "رضا" ثم عاد إلى منزل "فضيلة" .

جلس في مكتب "فضيلة" ومعه "فتحي"، يتحدثان ويضحكان سوياً، عن قصص أخبرها "فضيلة" قبل وفاته لـ "فتحي".

شعر "عماد" أنه يريد أن يرى قبر "فضيلة" قبل أن يرحل ، فذهب "فتحي" و"عماد" إلى قبر "فضيلة" ، ألقى عليه السلام.. قرءا له الفاتحة، ثم جلسا سويا أمام قبره، يتحدثان وكأنهما يتكلمان معه عن مغامرتهم، شعر "عماد" أنه رأى "فضيلة" يطل من خلف قبره، فضحك ولم يهتم .

في المساء، قرر "عماد" الرحيل، أراد "فتحي" أن يظل "عماد" معه بضعة أيام أخرى، شكره "عماد" ورفض متعللا، أن والديه على وشك العودة من الخارج، وأنه يفضل أن يذهب إلى بيته قبل عودتهما ببضعة أيام .

خرج "عماد" من المنزل وطلب من "فتحي" أن يشكر أبيه بالنيابة عنه، عن استضافتها له.

أراد "فتحي" أن يوصله إلى الموقف الذي سيركب منه للعودة إلى القاهرة ولكن "عماد" رفض متحججا أنه يريد أن يتمشى قليلا وحده .

في طريق العودة، داخل الأرض الزراعية، رأى "عماد" "علي المارد" يقطع الطريق أمامه متمددا في الهواء، بطول بناء خمسة أدوار تقريبا .

قال "عماد" مداعباً "علي المارد":

. إيه اللي انت عامله ده، انزل بدل ما حد يشوفك .

انكمش "علي المارد" ثم تسأله ببراءة :

. رايح فين ؟

أجاب "عماد" بهدوء:

. خلاص راجع بيتنا، عملنا الواجب وعزينا الرجل، اللعنة وقفت الحمد لله، ومفيش حاجة تخليني أقعد في البلد أكثر من كده، انت بقى هتعمل ايه ؟

. أنا مش هعمل حاجة، أنا معنديش أهل، وكنت مرافق "فضيلة" من ساعة ما عرفته .

. وأهلك فين ؟!

. ياااه، دي قصة طويلة، عندك وقت ؟

. تعالى نتمشى شوية واحكي لي .

أومأ "علي المارد" برأسه دليلاً على الموافقة، ابتسم وهو يسير بجانب "عماد" ثم قال:

منذ مئات السنين، كان هناك قبيلة من الجن تدعى "مداح" نسبة إلى "مداح" زعيم تلك القبيلة، فلكل قبيلة من الجن

زعيم، ولكل منها عادات وتقالييد قد تختلف أو تتفق مع قبيلة ثانية، كانت قبيلة "مدادح" من القبائل المسالمة، ما يقرب من 1300 فرد يسكنون جميعاً على شجرة جوافة في إحدى الأراضي الزراعية.

بجانب تلك الشجرة، كان يوجد شجرة صفصاف يسكن عليها قبيلة أخرى من الجن تدعى "الندابوه" نسبة إلى "نداب" زعيم تلك القبيلة، كانت تلك القبيلة معروفة بقوتها وجبروتها، وفي يوم من الأيام، حدث ما قلب كل الأمور رأساً على عقب.

شاب من الإنس، عمره حوالي ثلاثون عاماً، أحضر والده مساءاً، وربطه إلى شجرة الصفصاف ..

كان ذلك الشاب عاقاً وفاسداً، وكان يريد أن ينتزع من والده قطعة أرض، ليصرف على شهواته ونزواته، وحينما حاول بأكثر من طريقة، أن يجعل والده يتنازل له عن قطعة الأرض، وكان رفضه يصدمه باستمرار، قرر الشاب أن يربط والده إلى تلك الشجرة، عقاباً لوالده، وحتى يجبره على التنازل له عن قطعة الأرض في الصباح.

شاهدت قبيلة "مدادح" ما يحدث ولكنها لم تتدخل كالعادة في أمور الإنس بأوامر من زعيمها، ما حدث بعد ذلك كان الأصعب ..

قررت قبيلة "النداووه" على شجرة الصفصاف تلك، أن تقتل الرجل العجوز، كنوع من التسلية ،

حينما وصل الخبر إلى قبيلة "مداح"، قرر زعيمها أن يخرج عن صمته، وذهب إليهم ليمنعهم عن فعلتهم، موضحا لهم، أنه سيخبر ملوك الجن عما ينونون فعله، حتى يعاقبوا هم .

ظلم قبيلة "النداووه" كان كبيرا، وقررها أن يقتلوا الرجل العجوز، وأن يحاربوا قبيلة "مداح"، وبالفعل أغادروا عليهم في نفس الليلة، فطلب "مداح" من "علي المارد"، أن يذهب ليخبر ملوك الجن عما يحدث ..

قطع "علي المارد" طريقا طويلا، حتى وصل إلى ملوك الجن، وبالفعل أخبرهم عما يحدث، ليرسلوا معه جيشا كبيرا، لمحاربة "النداووه" والقبض عليهم، ولكن للأسف، حينما وصلوا لم يكن هناك وجود لفرد واحد من قبيلة "مداح" على وجه الأرض، بخلاف "علي المارد" .

. طب والراجل العجوز؟

قالها "عماد" ليجيب "علي المارد" بأسى:

. هو ده اللي همّك؟ قتلواه برضو .

. لا حول ولا قوة إلا بالله! وبعدين ؟

. اتحكم على رئيس القبيلة بالقتل، وبباقي القبيلة بالنفي،
وأتحكم على ابن الرجال العجوز من قبل الإنس بالإعدام، ومن
وقتها وأنا لواحدٍ .

أضاف "علي المارد":

. في وقت من الأوقات كنت بخاف من الإنس، وبعدين
الموضوع بقى عادي، لما اتعرفت على "فضيلة".

. وهتعمل ايه دلوقتي؟

. منا قلتلك كنت مرافق "فضيلة" من وقت ما لقيته ..

نظر "علي المارد" إلى "عماد" اتسعت عيناه ثم قال
بسعادة:

. بقولك ايه يا "عماد"، أنا حبيتك، مش هسيبك، انت من
النهاردة رفيقي .

ابتسم "عماد" قائلاً:

. أنا كمان حبيتك، ومعنديش مانع تبقى رفيقي، انت اسمك
إيه صحيح؟

. اسمي "أرانوخ" .

. لا خلينا في "علي" أحسن وألطف .

صمت "عماد" قليلاً ثم قال:

. حيث إننا بقينا أصحاب، والفترقة الجاية هنبقى مع بعض
كتير، أنا كمان عندي حاجة عايزة أقولها لك، ممكن تعتبرها
سر؟

. سر إيه؟

. فاكر الورق اللي احنا ودينناه المقبرة؟

. أكيد طبعاً.

أخرج "عماد" هاتفه المحمول، بدأ في البحث عن شيء ما
ثم قال:

. في يوم وانت بره الأوضه، وأنا بحفظ الكلمات اللي انت
قولتلي عليها، صعب عليا، إني أرجع الورق للمقبرة من غير ما
اخد نسخة منه، علشان كده صورت الورق ده بكاميرة التليفون
باتاعي.

قالها "عماد" مشيرا إلى صورة إحدى الأوراق على شاشة
هاتفه المحمول، لتسع عينا "علي المارد" من هول المفاجأة،
نظر بعدها خلف "عماد":

التفت "عماد" ينظر وراءه، ليجد دوامة تنبت من الأرض،
تدور بشكل كبير، ليتطاير جزء كبير من المحاصيل حولها.

توقفت الدوامة، وببدأ التراب المتطاير في الجو، ينقشع
رويدا رويدا، ليُفاجأ "عماد" باخر شخص يتمنى أن يراه في
حياته يظهر من خلف ذلك التراب.

· سارويل!

قالها "عماد" مُتھاجئاً، ليجيب عليه "سارويل":

· تمنيت أن ترتكب خطأ واحداً يسمح لي أن أقتلك، لا غفران هذه المرة، ولا بديل لقتلك، لقد انتهت اللعنة عن تلك البلدة، ولكن روحك أصبحت لي .

قالها "سارويل" ثم اختفى، ليدرك "عماد" أن رحلة لا 100 عبيط ...

هي

مُجرد

البداية!!

النشر والتوزيع

إيضاً

هذا العمل تمت كتابته على فتراتٍ متفاوتةٍ، تطَوَّرت القصة من مجرد قصبةٍ قصيرة من مجموعةٍ قصصيةٍ تحمل هذا الاسم، إلى روايةٍ كاملةٍ هي بين يديك الآن، حاولتُ أنْ أربطَ بينَ فصوله ليخرج بهذا الشكل، قد تتفق مع أسلوب كتابته، وقد تختلف، في جميع الحالات، هي محاولةٌ مني لسردِ حكايةٍ بأسلوبٍ بسيطٍ.

اتخذتُ حقي في الكتابة.. وأتقبلُ رأيك في النقدِ مهما كان..

إصدارات أخرى للدار

- الروحاني .. أحمد الملواني

- إيماصو .. دعاء عبد الرحمن

- كيغار .. منى سلامة

- ديوان مش من هنا - نوره واصف



النشر والتوزيع



النشر والتوزيع